

Izi ọma lele kpa Joni gbaru a n'okwukwo Nhne gbasiri okwukwo ka

Izi ọma lele kpa Joni gbaru a n'okwukwo gwehịarу Jizosi iwhne lele Ikwu-Ọnu Chiokike, nye “ghoru badnụ, va wuru n'esilawuru aị” (1:14). Lele kpa ọkwukwo wam kwuru, be gbaru izi ọma ka ma ele badnụ kweru nụ Jizosi bụ Nye Oznohia wam, Nnwọ Chiokike, hite n'okwnata mkpoma nụ ręwhna a, be nwehịa będnu (20:31).

Joni mernu a mahịa nụ Jizosi bụ Ikwu-Ọnu Chiokike. Ernu ndu-ehni Jizosi gesiri nụ ọ bụ Nye Oznohia wam Chiokike kweru mkwna. Okwukwo ka gesiri nụ agwna ele badnụ kweru nụ Jizosi ghę ele sno apna a, koyu ele berere kwéle nụ a, be bürü ele neemegidne Jizosi dù n'enwu a.

Joni kwusiri nhne gbasiri nkesi będnu kwó okwo rikne hite nụ Karaishi, nookwu nụ Jizosi bụ apna, ezi ọka nụ będnu. Nụ ọkwukwo Joni, a whnurnu nụ nhne a nqowhnu anya kpakara ọbochi lele mini, bredi, iwhne, nye znụ atnurnu nụ atnurnu a, isisi nụ mkpuru a, neegesi nhne ke Enine.

Nhne zi n'okwukwo ka

Opanizo (1:1-18)

Joni Nye Wụ Mini nụ ele sno apna Jizosi mbom (1:19-51)

Ernu Jizosi nụ ọhna (2:1---12:50)

Ọbochi ipne-aznụ nụ rime Jeruselem (13:1---19:42)

Olizo n'enwu nü ọwhuya iwhne Nyenwe aị (20:1-31)

Ọ whuyaru iwhne nü Galili (21:1-25)

Nye gbaru ọkwukwo ka: Joni

Risi nhne o kwno gba a: Ma ele badnụ kweru
nü Jizosi bụ Karaiṣi wam, ma hite n'okwnata
mkipoma nü ręwhna a, be nwehịa będnu.

Ikwu-ọnụ ke ghori badnụ

¹ Nü mbom hne Ikwu-ọnụ wam zị, Ikwu-ọnụ wam nü Chiokike zị nü mbom, Ikwu-ọnụ wam bụ Chiokike.

² Ya nü Chiokike zị nü mbom.

³ Be keru kpakara nhne hite n'aka a, ọ zá nhne ke be keru hne ọ zila.

⁴ Ikwu-ọnụ wam bụ risi będnu, będnu wam bụ masị iwhne ke badnụ.

⁵ Iwhne wam nöomu nü rime ọchichiri, ọchichiri nwée rikne nwegidne a.*

⁶ Chiokike ziyan otu nyerukna ręwhna a bụ Joni.

⁷ Joni varu lele nye akebne ke iwhne wam, ma kpakara ele nürnü izi a kweru n'iwhne wam.

⁸ Joni búo iwhne wam, koyu ọ bụ nye akebne iwhne wam.

⁹ Ka bụ iwhne wam n'ezi bụ ke varu n'owa, ke neenyé kpakara ele badnụ iwhne.

¹⁰ Ikwu-ọnụ wam zị n'owa, ọ bụ n'ezi nü Chiokike keru owa hite nü rime a, koyu owa máa nye ọ bụ.

¹¹ Ọ vakwnusiri ele ke a, koyu ele ke a nábnanyana a.

* ^{1:5} nwée rikne nwegidne a: mǫbu nwée rikne ghohia a.

12 Kɔvu kpakara ele nabnanyarnu a, kwerumako nü r̄ewhn̄a a, o nyernu be rikne be b̄uru r̄umu Chiokike.

13 Be m̄uge ele ka lele kpa be m̄urnu ele badnu. Be m̄uge be hite n'echiche ke badnu, m̄obu hite nü nda k̄owa, kɔvu Chiokike bu Nda be.

14 Ikwu-ɔnu wam gh̄oru badnu, va wuru n'esilawuru aij. A whn̄urnu igwugwu a, bu igwugwu ke Nnw̄o Nda a m̄urnu kpoi, oru nü ezi ɔka jihiaru nü rime a.

15 Joni gbaru akebne gbasiri a, siwama, kaa, "Ka bu nye me nookwu ɔka a nü o snogwu m n'aznu, kɔvu ɔ kakwo m, kwnornu nü ɔ zi s̄u be m̄urnu m."

16 Hite n'oru a zi agida, a nwernu ngozi t̄ukwasi nü ngozi.

17 Chiokike hiri n'aka Mozizi nyee iwu, Chiokike nyee masiri oru nü ezi ɔka hite n'aka Jizosi Karaisi.

18 O zá nye whn̄uleru Chiokike anya. Nnw̄o Nda a m̄urnu kpoi, nye bu Chiokike, nye zi n'akwank̄o ke Nda a, mernu ele badnu mahia Nda a.

Joni karu nü ɔ búo Karaisi

(Mat 3:1-12; Mak 1:1-8; Luk 3:1-18)

19 Ka bu akebne Joni gbaru nga ele risi ele Ju zi nü Jeruselem ziznernu ele arjhona nü ele Livai be s̄ikwa a, "I bu nyele?"

20 Joni saru be, o góla ego, kɔvu o kwusiri a rikne, kaa, "M búla m Karaisi."

21 Be s̄ikwa a, "I bu k̄o nyele? I bu Əlaija sa?"

Joni kaa, "Óza."

Be s̄ikwa a, "I bu Nye Əwhnurninya wam?"[†]

[†] **1:21 Nye Əwhnurninya wam:** Gwn̄u Ditaronomi 18:15; Ərnu Ele Izı 3:22

Ọ sarụ be, “Óza.”

22 Be kaa, “Kanụ aị nye ị bụ, ma a mahịa nhne a jaakanụ ele dusiri aị. Kịni bụ nhne i kwuru gbasiri ẹhni i?”

23 Joni sarụ be,

“M bụ m akpiri nye nọokpo okwo n'eli-ikpa,
‘Anụ mekwata apna Nyenwe aị ma ọ snirni
asní,’

lele kpa Azaya nye Ọwhnurninya kwuru.”

24 Ele izi ele Farisi ziyaru,

25 sìkwaru Joni, “I búo Karaishi, mọbu Elaija, mọbu Nye Ọwhnurninya wam, kịni mernu ị nọowu ele badnụ mini?”

26 Joni sarụ be, “M ji m mini nọowu ele badnụ mini, kọvu otu nyenum gwuzo n'esilawụru anụ, nye anụ máa.

27 O snogwu m n'aznụ, kọvu m kwésile m ọ tọma eriri okoro-ochi a.”

28 Kpakara nhne ka mernu nụ Bętani n'obosi ẹhnam ke aznụ Osimini Jødani kiyari, hne Joni nọowu ele badnụ mini.

Jizosi, Nnwọ Atnurnu Chiokike

29 N'ekile a, Joni whnurnu Jizosi hne o naavakwnusi a, ọ kaa, “Anụ le, ka bụ Nnwọ Atnurnu ke Chiokike, nye noovume mmehie k'owa.

30 Ka bụ nye wam me nookwu ọka nga me karụ, ‘Otu nyenum sno m n'aznụ, kọvu ọ kakwo m, kwnornu nụ ọ zị sụ be murnu m.’

31 M máam nye ọ bụ, kọvu m nọowu ele badnụ mini ma ele Izireli mahịa nye ọ bụ.”

32 Ka bụ akebne Joni gbarụ, “M whnụrnu m Enine Nsọ hi n'oligwe lele nduru dnakwasị a, daziri n'olu a.

33 Kọvu nụ m máam nye ọ bụ. Chiokike nye ziyanu m me wụ ele badnụ mini kannu m, ‘I jioowhnu Enine Nsọ hi n'oligwe dnakwasị otu badnụ dazigidne nụ ya, nye wambu nye jeeji Enine Nsọ nqowu ele badnụ mini.’

34 Me nụ iwhuru m whnụrnu a, gba akebne nụ nye ka bụ Nnwọ Chiokike.”

*Ele mbom sno
apna Jizosi*

35 N'ekile a, Joni nụ ele sno apna a lawuru gwuzo.

36 Nga ọ whnụrnu Jizosi hne o neewhe, ọ kaa, “Anụ le Nnwọ Atnurru ke Chiokike.”

37 Ele sno apna a lawuru wam nүrnu a, be snornu Jizosi.

38 Jizosi tñhnasnarnu whnụ nụ be noosno a n'aznụ, ọ sìkwa be, “Kini bụ nhne anụ noopio?”

Be kaa, “Rabai” (ke bụ, Nye-zni-nhne), “Ndaa hne iwu?”

39 Jizosi saru be, “Anụ va whnụrnu.” Ọ bụ nhne nụ lele ọtnu-ige ke ẹno n'iwhnehnie,[‡] be snornu a zne whnụrnu hne o wu, be nụ a daziri kpakara obochi wam.

40 Otu nụ rime ele nүrnu nhne Joni kwuru ke snornu Jizosi bụ Anduru nwene rukna Sa'imoni Pita.

41 Ngangam, o piohiaru nwene a rukna, Sa'imoni, ọ kanu a, “A whnụna m Mezaya” (ke bụ Karaisi).

42 O kwuznenu Jizosi Sa'imoni.

[‡] **1:39** *Otnu-ige ke ẹno n'iwhnehnie:* ọkwukwo ke mbom kwuru ige nri awa

Jizosi legidne Pita anya kaa, “I bụ Saịmoni nnwọ Joni, be jookwu i Kifasi,” be tughnasna a, Pita, ke bụ rugwu.

*Jizosi sukwuru Filipu
nụ Nataneli*

43 N'ekile a, Jizosi kpebi o zne Galili, o piohịa Filipu, ọ kanụ a, “Snornu m zne.”

44 Filipu, Anduru nụ Pita hi nụ ẹli Bètesaida.

45 Filipu pohịa Nataneli, ọ kanụ a, “A whnurnu nye wam Mozizi nụ ele ọwhnurninya gbarụ nhne gbasiri a n'ọkwukwo nsọ, Jizosi nye Nazareti, nnwọ Josefū.”

46 Nataneli sịkwa a, “Eli Nazareti, o nwernu nhne ọma ọbula ke jeehi n'ẹli Nazareti whuya?”

Filipu sarụ a, “Vaa, whnurnu.”

47 Nga Jizosi whnurnu Nataneli naavakwnusi a, o kwu nhne gbasiri a, “Ka bụ nyé Izireli n'ezi, nyé aghigho zíla nụ rime a.”

48 Nataneli sịkwa a, “Nda kpa i jiri mahịa m?”

Jizosi sarụ a, “M whnurnu m jị nụ mkpururu isisi figi sụ Filipu sukwuru i.”

49 Nataneli sarụ a, “Nye-zni-nhne, i bụ Nnwọ Chiokike. I bụ eze Izireli.”

50 Jizosi sịkwa a, “I kweruru kpoi kwnornu nụ m karụ m nụ m whnurnu m jị nga i zị mkpururu isisi be kwu figi? I jọowhnu nhne ke kakwo ka.”

51 Ọ kanụ be, “Me kanụ anụ ezi ọka, anụ jọowhnu hne oligwe kpumernu, nụ ele enine izi Chiokike neepnezne, neehidna n'olu Nnwọ ke Badnụ.”

2

*Jizosi mernu mini
gho manya*

¹ N'obochi ke ẹto, ọlulu nnwerne zị n'eli Kana n'eli Galili, nne Jizosi zị masi pii.

² Be sukwuru Jizosi nụ ele sno apna a n'olulu nnwerne wam.

³ Nga manya be nqonwo kworu, nne Jizosi kanụ a, “Be nwéma manya.”

⁴ Jizosi sarụ a, “Ọ gbásila m, sị nwerinya. Ige m yóoduge.”

⁵ Nne a kanụ ele neezne izi, “Anụ mee nhne ọbula ọ karụ anụ mee.”

⁶ Idudu mini isunu gwuzo ndụndu be jiri rugwu kpu, ke ele Ju ji nqosnu nhne lele kpa omen'eli be jiri ziri, ke otu jeeri nri lawuru mọbu nri ẹto galoni mini.

⁷ Jizosi kanụ ele neezne izi, “Anụ gbajite be nụ mini.” Be gbaji be mini dù n'qonu be.

⁸ Ọ kanụ be, “Anụ kwuhia agwna mini wam gweznenu nye risi ngadna iriri.”

Be gweznenu a.

⁹ O detụ mini wam ke ghoro manya riro. Ọ máa hne manya wam hi, koyu ele neezne izi ele gbarụ mini wam magwụ. O sukwu nye nqolu nnwerne,

¹⁰ ọ kanụ a, “Nye ọbula neekesi manya kakpa mma n'oziri, nga ele izne nwokparu manya, o ke manya ojo. Koyu i bitaru manya kakpa mma dù kitna.”

¹¹ Ka bụ ernu ndu-ehni mbom Jizosi rnurnu. Ọ rnurnu a nụ Kana n'eli Galili, o gesi igwugwu a, ele sno apna a kwnata a mkpoma.

12 Nga ka whemernu, Jizosi nü nne a, nü rümu nne a, nü ele sno apna a zne Kapanom, be daziri pii ọbochi ele nü ele.

*Nhne Jizosi mernu
n'Oro Nsø Chiokike*
(Mat 21:12,13; Mak 11:15-17; Luk 19:45,46)

13 Iriri Ogawhe ele Ju zi ndündu, Jizosi zne Jeruselem.

14 O whnurnu ele neere atnurnu nü ehni nü nduru nü ele naagbanwo ịwai dazigwu n'ikpechi n'Oro Nsø Chiokike.

15 O gweru eriri mee mbinibini, chihala kpakara be, ma ehni ma atnurnu. O kpute ikpechi kpakara ele naagbanwo ịwai ruwhnu n'eli, chisakwo ịwai be.

16 O kanu ele neere nduru, “Anu whoga hna, anu méma ɔro Nda m ɔro ahịa.”

17 Ele sno apna a chenwanya nhne be gbaru n'okwukwo nsø, “Nhne gbasiri Oro Nsø Chiokike neerne lele békwnu nü rime m.”

18 Ele Ju sìkwa a, “Ndaa ेrnu ndu-ehni ke i joornu ke neegesi nü i nwernu rikne mee nhne i neeme?”

19 Jizosi saru be, “Anu kwnadna Oro Nsø ka, m joowulizo a n'obochi eto dai.”

20 Ele Ju saru a, “Be jiri nri awha ẹno nü isunu wu Oro Nsø ka, i joowu a n'obochi eto?”

21 Koyu Jizosi kwuru ọka gbasiri ehni a lele Oro Nsø Chiokike.

22 Nga Jizosi hiri n'enwu lizo, ele sno apna a chenwanya nü o kwuru ọka ka, be kweru nhne okwukwo nsø kwuru nü nhne Jizosi kwuru.

23 Kpa Jizosi zi nü Jeruselem nü Iriri Ogawhe, agida ele badnu kweru nü ya kpa be whnurnu agida ərnu ndu-əhni o noornu.

24 Koyu Jizosi kwéle o nyee be əhni a, kwnornu nü o magwü kpakara badnu nkari nkari.

25 O zila mkpa nü be kanu a nhne gbasiri nye əbula, kwnornu nü o magwü nhne zi nü mkpoma be.

3

Jizosi nü Nikodimosi

1 Otu nwerukna be kwu Nikodimosi, otu nü rime ele Farisi, nye risi ele Ju,

2 vakwnusiri Jizosi n'abalı. O kaa, “Rabai, a magwü nü i bu Nye-zni-nhne ke Chiokike ziyaru, kwnornu nü o zá nye joornuli ərnu ndu-əhni i noornu okwolem ma Chiokike dagwunu a.”

3 Jizosi saru, “Me kanu i ezi əka, o zá nye joowhnu n'eli-eze Chiokike anya, o bürü nü be mügele a berere.”*

4 Nikodimosi sìkwa a, “Ndaa kpa be joomu badnu berere nga o mernu okno badnu? O jaabna nü ruwho nne a berere, be mü a?”

5 Jizosi saru a, “Me kanu i ezi əka, o zá nye jaabna n'eli-eze Chiokike o bürü nü be mügele a hite nü mini nü Enine.

6 Nye ke badnu etekne murnu bu ano-əhni, nye Enine murnu bu enine.

7 O gbágwoji i anya nü m karu m nü be joomuriri anu berere.

* **3:3 be mügele a berere:** mɔbu be mügele a hite n'oligwe.

8 Ruwhere neewhe hne ọ masigwu a, i nōonu imerne a, koyu i māa hne o hi mōbu hne o neezne. Nye ọbula ke be mūrnu hite n'Enine nū kpam.”

9 Nikodimosi sīkwa a, “Ndaa kpa be jeeme nhne nū kpa?”

10 Jizōsi saru a, “I bū nye-zni-nhne n'eli Izireli, koyu i māa nhne ka.

11 Me kanu i ezi ọka, a nookwu nhne a magwụ, a naagba akebne nhne ke a whnūrnu, koyu anu kwé ọ nahoru akebne aị.

12 Anu kwé nhne me kwuru gbasiri nhne k'owa. Ndaa kpa anu jeekweru ọ būru me kanu anu nhne k'oligwe?

13 O zá badnụ ọbula ke znernu oligwe nū mbom, okwolem Nnwọ ke Badnụ nye hiri n'oligwe hiedna.

14 Lele kpa Mozizi gwelizorū agwọ n'olu isisi n'eli chna chna chna, ọ bū kpa be jeegwelizọ Nnwọ ke Badnụ olu,

15 ma nye ọbula ke kweru nū ya jeenwe būdnu kwó okwo.

16 Kwnornu nū Chiokike whnūrnu ọwa n'anya kpa, o gweru Nnwọ ọ mūrnu ya nū nsnunu a kpoi nyega, ma nye ọbula ke kweru nū ya jónowu ẹnwu, koyu o jeenwe būdnu kwó okwo.

17 Kwnornu nū Chiokike zíyage Nnwọ a n'ọwa ọ būru nye kpe k'owa, koyu ma ọ būru Nye Qznobia k'owa.

18 Be jéekpe nye ọbula ke kweru nū Nnwọ wam ikpe, koyu nye ọbula ke kwége bū nye be kperu ikpe, kwnornu nū o kwége nū Nnwọ Chiokike mūrnu ya nū nsnunu a.

19 Ka bụ ikpe wam be kperu ọwa, iwhne varụ n'ọwa, ele badnụ whnurnu Ọchichiri n'anya karụ iwhne, kwnornu nụ be nōornu ẹrnu ojo.

20 Nye ọbula ke nōornu ẹrnu ojo bụ nye irno ke iwhne, ọ jáava nụ rime iwhne ọ zị iwhne kpume ẹrnu ojo a.

21 Kọvu nye ọbula ke nōornu ẹrnu ọma jaava nụ rime iwhne ma iwhne gesi nụ ẹrnu a bụ nhne ọ rnurnu hite nụ Chiokike.”

*Jizosi nụ Joni
Nye Wụ Mini*

22 Nga ka mekworu, Jizosi nụ ele sno apna a znernu n'eli Judiya, ya nụ be daziri ige matị, ọ wụ ele badnụ mini.

23 Joni masị zị nqowu mini n'Enqoni ke zị Salim ndụndu, kwnornu nụ agida mini zị pị. Ele badnụ neeznekwnusi a, ọ nqowu be mini.

24 (Be yéeyisige Joni n'oro ikelu n'ige ka.)

25 Agwna ele sno apna Joni nụ otu nye Ju nqodogbuta nhne gbasiri ọsnusnu nhne lele kpa omen'eli ele Ju jiri ziri.

26 Be vakwnusi Joni kanụ a, “Nye-zni-nhne, nwerukna wam jị nụ a zị n'aznụ Osimini Jødani kiyari, nye i gbarụ akebne gbasiri a, ọ nqowu ele badnụ mini, agida ele badnụ neeznekwnusi a.”

27 Joni saru be, “Ọ zá nye ọbula ke jeenwe nhne ke Chiokike késile a.

28 Anụ bụ ele akebne m nụ m karụ m, ‘M býo m Karaisi, kọvu be beru ọsno ziya m nụ ruvhnu a.’

29 Nye nqolu nnwerne ikne bụ nye nwe nnwerne ikne, kọvu enyi nye noolu nnwerne ikne, nye noogwuzo noobno nsnị, mkpoma nqoso a n'ọnụ nụ

o nurnu nkoli nye wam noolu nnwerne ikne. O bụ kpa snarnima m jiri zu ozu kítña.

³⁰ O jaazi naaba aba, kpa me jaazi naaya ẹli ẹli."

Nye ke hiri n'oligwe va

³¹ Nye wam ke hiri n'oligwe va kakwo kpakara badnụ, nye hi n'owá bụ nye ke ọwa, o nookwu nhne ke ọwa. Nye hiri n'oligwe kakwo kpakara badnụ.

³² O nookwu nhne o whnūrnū nü nhne o nurnu, kóvu o zá nye neekweru izi a.

³³ Nye ọbula ke jeegweru izi a naakahịa nü Chiokike bụ nye ezi ọka.

³⁴ Nye Chiokike ziyanu nookwu ikuw-önü Chiokike, kwnornu nü Chiokike nyéne a Enine a n'apna zì matị.

³⁵ Nda whnūrnū Nnwọ a n'anya, gweru kpakara nhne yisi n'aka a.

³⁶ Nye ọbula ke kweru nü Nnwọ wam nwernu bùdnu kwó okwo, nye ọbula ke zá noobnonu Nnwọ wam nsní, jénwe bùdnu, kóvu ovu owe ehni Chiokike jaazi nü risi a ọkwnukokwnu.

4

Jizosi nü nwerinya Sameeria

¹ Ele Farisi nurnu nü Jizosi neewehịa ele sno apna a, noowu be mini karu Joni,

² o bụ n'ezi nü Jizosi wúge ele badnụ mini, kwolem ele sno apna a.

³ Nga Jizosi nurnu a, o whuya nü Judiya naalahna Galili.

⁴ O zì mkpa nü o jaagawhe n'esilawuru ẹli Sameeria.

5 O vadu n'otu eli-ohna Sameria be kwu Saïka, ke zi ndündu otu eli Jekopu nyernu nnwọ a rukna Josefu.

6 Omi Jekopu zi pii. Inwe gwuru Jizosi kwnornu nu izne wam, o daziri eli nu ngeri omi wam n'iwhnehnie.*

7 Otu nwerinya Sameria varu o tñru mini n'omi, Jizosi kanu a, "Kesi m mini."

8 (Ele sno apna a znernu nu rime eli-ohna o zuwiri.)

9 Nwerinya Sameria wam kanu a, "I bu nye Ju, m bu m nye Sameria, ndaa kpa i noorio m mini?" (Ele Ju nu ele Sameria mékota nhne.)

10 Jizosi saru a, "O bñru nu i magwù nkesi Chiokike, nu nye ke noorio i mini, i joorio a ma o kesi i mini ke bñdnu."

11 Nwerinya wam kaa, "Nda-ai-kwu, i nwéé nhne ijeeji nootu mini, omi ka miri emi k'agida, ndaa hne i jeegwehia mini bñdnu ka.

12 I kakwo nda aij Jekopu nye nyernu aij omi ka, o nwñrnu mini hi nu rime a, ma rñmu a, ma rñmu anøhia a?"

13 Jizosi saru a, "Nye obula ke joonwo mini ke hi n'omi ka, akpíri jookpo a bekwnu berere,

14 kóvu nye obula ke joonwo mini ke me jeenye a, akpíri jóokpo a bekwnu berere. Mini ke me jeenye a jøogho risi mini ke jaagba dù bñdnu kwó okwo."

15 Nwerinya wam kaa, "Nda-ai-kwu, kesi m mini ka ma akpíri gharu o kpo m bekwnu, ma m gharu m o va o tu mini n'omi ka."

16 Jizosi kanu a, "Zne, sukwu nzi i, va hna."

* **4:6 n'iwhnehnie:** òkwukwo ke mbom kwuru otnu-ige ke isunu

17 Nwerinya wam kaa, “M nwée m nzi.”

Jizosi kanu a, “I kwukwaru nkari nü i nwée nzi,

18 kwnornu nü i gboalam nzi isne, nye ke ji nü a
wu kitna buo nzi i. I kwuru ezi oka nü i nwée nzi.”

19 Nwerinya wam kaa, “Nda aj-kwu, m whnurnu
nu i bu nye owhnurninya.

20 Ele nda aij-kporu risi eli n'olu rugwu ka, kovu
anu ele Ju karu nü hne be kwesiri o kpoo risi eli bu
nu Jerus̄elēm.”

21 Jizosi kanu a, “Nwerinya, kweru nhne me
naakanu i, ige vawa nga ele badnu jōokponu Nda
risi eli n'olu rugwu ka mobu nu Jerus̄elēm.

22 Anu ele Sameria māa nye anu nookponu risi eli,
ai ele Ju magwū nye a nookponu risi eli, kwnornu
nu oznohia hi n'aka ele Ju va.

23 Kovu ige vawa, owe, ige wam valēm masi, nga
ele nookponu Nda risi n'eli n'ezi joockponu a risi eli
n'enine nu n'ezi oka. Ka bu ele Nda pioru kpōnu a
risi eli.

24 Chiokike bu enine, ele nookponu a risi eli
joockporirinu a risi eli n'enine nu n'ezi oka.”

25 Nwerinya wam kanu a, “M maam nu Mezaya,
nye be kwu Karaisi, jaava. Nga o varu, o jaakanu
ai kpakara nhne.”

26 Jizosi kanu a, “Me nye nookwunu i oka, bu ya.”

27 Ige wam ele sno apna Jizosi hiehna, o jiri be
anya nu ya nu nyerinya nookwurita oka. Kovu o zá
nye s̄ikwaru, “Kini bu nhne i noopio?” mobu, “Kini
mernu i nookwunu nwerinya ka oka?”

28 Nwerinya wam sigbasi idudu mini a, lahna nu
rime eli-ohna, kanu ele badnu,

29 “Anụ va whnүrnü nwerukna ke kannụ m kpakara nhne me mernu. Nye ka ọ jọburu Karaịsi sa?”

30 Be gbahala nụ rime ẹli-ohna znekwnusi Jizosi.

31 Koyu ele sno apna a zi naarijasno Jizosi, kaa, “Nye-zni-nhne, ri wiri.”

32 Jizosi kanụ be, “M nwernu m wiri ke anụ máa.”

33 Ele sno apna a néesikwarita ẹhni be, “O nwernu nye gweyannu a wiri sa?”

34 Jizosi kanụ be, “Wiri m bụ ọ biتا echiche nye ziyanu m nụ ọ rnükpa ेrnu o nyernu m.

35 Anụ naakaa, ‘O gwnarnu ẹnwa ẹno, anụ gwe nhne n'ekwu.’ Koyu me kanụ anụ, anụ le anya n'ekwu, mkpuru chnanam ma be ghoro nhne n'ekwu.

36 Nye neegwe nhne n'ekwu nwernu ọgwo ेrnu, ọ chibna ele badnụ lele mkpuru ma be nwehịa bùdnu kwó okwo. Kpam, nye ke kparu mkpuru nụ nye ke gweru nhne n'ekwu jeenwekota snarnima.

37 Nhne be kwuru bụ ezi ọka, ‘Otu badnụ kpasiri mkpuru, nye berere ghoro mkpuru.’

38 M zizzernu m anụ ghoro mkpuru n'ekwu ke anụ rnúge ेrnu nụ rime a. Ele berere rnүrnü ेrnu, anụ nwehịa mbnarna n'ेrnu be.”

39 Agida ele Sameria ele wu nụ rime ẹli-ohna wam kweru nụ Jizosi kwnornu nụ nhne nwerinya wam kwuru, “O kanụ m kpakara nhne me mernu.”

40 Nga ele Sameria vakwnusiri a, be rịasno a ma ya nụ be daziri, Jizosi daziri piị ọbochi lawuru.

41 Agida ele berere kweru kwnornu nụ izi ọma o znirni be.

42 Be kanu nwerinya wam, “A kweru kitna, o búo nü nhne i kannu aị, koyu kwnornu nü a nurnu nhne o kwuru, a magwụ nü nye ka bụ Nye Oznohia ke ọwa n'ezi.”

*Jizosi gworu nnwo
rukna nye risi*

43 Nga obochi lawuru wam whemernu, o whoga pili zne Galili.

44 Jizosi n'iwhuru a karu, “Nye əwhnurninya nwée igwugwu n'eli a.”

45 Nga o vaduru eli Galili, ele zi nü Galili naakweru a kwnornu nü be znernu Iriri Ogawhe nü Jeruselem, be whnurnu kpakara nhne o mernu n'Iriri Ogawhe wam.

46 Jizosi lahna nü Kana ke Galili hne o mernu mini ghø manya. Otu nye risi əchichi ke nnwo a rukna zi n'ehni ighbugbu nü Kapanom.

47 Nga o nurnu nü Jizosi hiri nü Judiya va Galili, o znekwnusi a, kanu a, o va gwø nnwo a rukna ehni ighbugbu, nye zi n'ənu ənwu.

48 Jizosi kanu a, “Anu jéekweru kwekolam ma anu whnurnu ərnu ndu-ehni nü ərnu rikne.”

49 Nwerukna wam kaa, “Nda-aị-kwu, snornu m zne, o zi nnwo m nwụ.”

50 Jizosi kanu a, “La, nnwo i rukna zi bùdnu.”

Nwerukna wam kweru nhne Jizosi kanu a, la.

51 Nga o zi n'apna, ele izi a kwnusi a, kanu a, “Nnwø i rukna zi bùdnu.”

52 O sìkwa be ige ehni bùru nnwo a rukna əma, be kanu a, “N'ətnu-ige ke mbom n'iwhnehnie[†] n'ekile wheru ewhe, ehni orne békwnu wam sigbasiri a.”

[†] **4:52** *Ətnu-ige ke mbom n'iwhnehnie:* əkwukwo ke mbom kwuru ige awa ke əsau

53 Nda nnwọ wam chenwanya nụ ọ bụ ige wam Jizosi kannu a, “Nnwọ ị rukna zi bjudnu.” Kam kpayarụ, ya nụ kpakara ele ọro a kweru.

54 Ka bụ ेrnu ndu-ehni ke ẹbo Jizosi rnurnu nga o hiri nụ Judiya va Galili.

5

Ogwugwo n'Olulu Mini Betisaida

1 Nga ka whemernu, Jizosi znernu iriri ele Ju nụ Jeruselem.

2 Otu olulu mini zi ngeri Ọnu-Mgbo Atnurnu nụ Jeruselem ke nwernu mgbemgbe ọro isne, ke ele Hiburu nookwu Bétilata.

3 Agida ele nriria naadnanyị nụ ngeri a, ele isni, nụ ele mgworo, nụ ele ngeri ehni be dönwurnu ọdonwu. [Be zi neese ma be gbarụ mini wam.]

4 Kwnornu nụ enine izi Nyenwe aị neehiedna hite n'ige dù n'ige gbarụ mini wam. Nye nriria ọbula ke beru ọsno dnabna nụ rime mini wam nga enine izi gbarükparu a, ehni a jooburu ọma hite nụ nriria ọbula o naaria.]

5 Otu nwerukna ke naaria nriria nri awha eto nụ ẹsato zi pii.

6 Nga Jizosi whnurnu a hne ọ dnanyi, ọ mahiaru nụ ọ zi nụ nriria gbu ọkwnu, ọ sìkwa a, “I pioru be gwọ ị nriria i?”

7 Nye nriria wam saru a, “Nda-aị-kwu, m nwée m nye jeeyisi m nụ rime olulu mini nga be gbaruru mini, kpa me neezne, nye berere beru m ọsno dnabna.”

8 Jizosi kanu a, “Lizọ, chíri etere i, zne izne.”

9 Ngangam, be gworu nwerukna wam. Ọ chíri etere a, zne izne.

Nhne ka mernu n'Obochi Ozukwa Inwe.

10 Ka mernu ele Ju kanu nwerukna wam Jizosi gworu nriria, “Tna bu Obochi Ozukwa Inwe, o megidnernu n'iwu nu ị nzechiri etere i.”

11 Nwerukna wam saru be, “Nwerukna ke gworu m nriria kannu m, ‘Chiri etere i, zne izne.’”

12 Be sìkwa a, “Nyele bu nye ke karu jì chíri etere i zne izne?”

13 Kòvu nu nwerukna wam be gworu máa nye Jizosi bu, kwnornu nu Jizosi bnanam n'esilawuru ighbudu badnu wam whoga.

14 Omekwo, Jizosi piohiaru a n'Oro Nso Chiokike, ọ kanu a, “Le, be gworu ị nriria i, i méma mmehie, ọ zi nhne ojo ke kakwo ka dnakwasị i.”

15 Nwerukna wam whoga kanu ele risi ele Ju nu ọ bu Jizosi gworu a nriria a.

Budnu hi nu Nnwọ Chiokike

16 Ele Ju bete o mekpa Jizosi ehni kwnornu nu ọ gworu nriria n'Obochi Ozukwa Inwe.

17 Jizosi kanu be, “Nda m noornu ẹrnu kpakara ige, ọ bu masi kpa me noornu.”

18 Ikwu-ọnụ ka mernu ele risi ele Ju ovu owe ehni k'agida, be noopiosi rikne o gbu Jizosi, ọ buo nu o luluru Obochi Ozukwa Inwe be kpoi, kòvu nu ọ karu nu Chiokike bu Nda a, naakaa nu ya nu Chiokike hna n'otu.

19 Jizosi kanu be, “Me kanu ezi ọka, ọ zá nhne ke Nnwọ nwernu rikne o mee n'ehni a, kòvu o neeme

nhne o whn̄rnu Nda a neeme. Kwnornu n̄u Nnw̄o noornu nhne Nda a noornu.

20 Nda whn̄rnu Nnw̄o a n'anya, neegesi a kpakara nhne o neeme. O jeegesi a nhne ke kakwo ka ke jaagbagwoji anu anya.

21 Lele kpa Nda neeme ele nw̄rnu ɔn̄wu hi n'ɛn̄wu lizo, nyee be b̄udnu, o bu masi kpa Nnw̄o neenye ele masiri a b̄udnu.

22 Nda zá neekpe nye ɔbula ikpe, kovu o yisiri kpakara ikpe n'aka Nnw̄o a,

23 ma kpakara ele badn̄u s̄obisinu Nnw̄o a lele kpa be noosobisinu Nda. Nye ɔbula ke zá n̄osobisinu Nnw̄o, zá n̄osobisinu Nda nye ziyaru a.

24 "Me kanu anu ezi ɔka, nye ɔbula ke noonu ikwu-ɔnu m kweru n̄u nye wam ke ziyaru m, nwernu b̄udnu kwó okwo. Be jáama a ikpe, kovu o hilem n'ɛn̄wu whe n̄u b̄udnu.

25 Me kanu anu ezi ɔka, ige vawa, ige wam val̄em masi, nga ele nw̄rnu ɔn̄wu joonu nk̄oli ke Nnw̄o Chiokike, ele n̄urru a jaazi b̄udnu.

26 Kwnornu lele kpa Nda nwernu b̄udnu n̄u rime a, o bu masi kpa o mernu Nnw̄o nwernu b̄udnu n̄u rime a.

27 O nyernu Nnw̄o rikne o kpe ikpe, kwnornu n̄u o bu Nnw̄o ke Badn̄u.

28 "O gbágwoji anu anya n̄u ige vawa, nga ele zi n'ilili joonu nk̄oli a,

29 be jeehi n'ilili lizo, ele mernu mma jeelizo n'ɛn̄wu ziri b̄udnu, ele mmehie jeelizo n'ɛn̄wu b̄uru ele be jaama ikpe.

30 "M nwéé m rikne mee nhne ɔbula n̄u rikne ke aka m. M neekpe ikpe kpa Nda m kannu m me kpe. Ka neegesi n̄u ikpe m zi snam, kwnornu n̄u m zá

neeme nhne me pioru, kɔvu kwekolam nhne nye ziyan m pioru.

Akebne gbasiri Jizosi

³¹ “O buru nü me naagbanu ɿhni m akebne, akebne m búo ezi.

³² Kɔvu o zì nye naagbanu m akebne, m magwụ m nü akebne a zì kwem.

³³ Anu ziznernu ele izi znekwnusi Joni, o kwuru nhne gbasiri ezi ɔka.

³⁴ Ka zá neegesi nü m neegweru akebne ke badnu, m nookwu nhne ka ma anu nwehia ɔznohia.

³⁵ Joni nü lele tɔnji ke noonwu, noomuke, anu kpebiri o nwudna ige mati n'iwhne a.

³⁶ “M nwernu m nhne akebne ke kakwo akebne Joni gbaru. M noornu ɿmu ke Nda m nyernu m, ɿmu wam naagbanu m akebne, neegesi nü Nda m ziyan m.

³⁷ Nda m nye ziyan m naagbanu m akebne. Anu nýele nkoli a mɔbu whnu ruwhnu a.

³⁸ Anu zá naabiita ikwu-ɔnu a nü mkpoma anu, kwnornu nü anu kwéle nü nye wam o ziyanu.

³⁹ Anu tusa ɿhni nyosna nhne be gbaru n'okwukwo nsø anu, anu neeche nü anu jeenwe bùdnu kwó okwo hite nü nhne be gbaru nü rime a, be naagbanu m akebne.

⁴⁰ Kɔvu anu kwé o vakwnusi m, ma anu nwehia bùdnu kwó okwo.

⁴¹ “M zá m nanarnu ɔznarni hite n'aka badnu.

⁴² M magwụ m anu, anu nwée ɔwhnun'anya Chiokike nü mkpoma anu.

⁴³ M ji m r̄ewhna Nda m va, anu kwége m, kovu o b̄uru n̄u nye berere jiri r̄ewhna a va, anu jeegweru a.

⁴⁴ Ndaa kpa anu jeekwe, hne anu noopio ɔznarni ke badn̄u, kovu anu nwée rikne pio ɔznarni ke hi n'aka nye ke bu Chiokike kp̄oi va.

⁴⁵ “Anu chéko n̄u m joobno anu nhne n̄u ruwhnu Nda m. Kovu o bu Mozizi nye anu kw-nataru mkp̄oma, joobno anu nhne.

⁴⁶ O b̄uru n̄u anu kweruru Mozizi n'ezi, anu jeekweru m, kwnornu n̄u o gbaru nhne gbasiri m.

⁴⁷ Kovu hne anu kwége nhne Mozizi gbaru n'ɔkwukwo ns̄o, ndaa kpa anu jeekweru nhne me nookwu?”

6

Jiz̄osi nyernu pokwu badn̄u isne wiri

(Mat 14:13-21; Mak 6:30-44; Luk 9:10-17)

¹ Nga ka mekworu, Jiz̄osi whe aznu Osimini Galili (ka bu Osimini Taberasi).

² Agida ele badn̄u snornu a, kwnornu n̄u be whn̄urnu ərnu ndu-ehni o rn̄urnu, nga o gw̄oru ele nriria.

³ Jiz̄osi pnezne n'olu rugwu daziri eli, ya n̄u ele sno apna a.

⁴ Ige Iriri Ogawhe ele Ju zi ndündu.

⁵ Nga Jiz̄osi lehnataru anya whn̄u agida ele badn̄u naavakwnusi a, o kanu Filipu, “Ndaa hne a joozuya wiri a jeenye igbudu ele ka?”

⁶ Ka bu ma o kpa Filipu iru, kwnornu n̄u o magw̄u nhne o jeeme.

7 Filipu saru a, “O buru nü a zu brędi riwhu mkpuru iwai lawuru, o jéezu ma nye ọbula ri mati mati.”

8 Otu nü rime ele sno apna a, Anduru, nwene rukna Saimoni Pita, kaa,

9 “Otu wíkoro mati zi hna nye ji ike brędi balí* isne nü aznú mati mati lawuru. O zá nhne kam bu n'esilawuru ighbudu ele badnú ka.”

10 Jizosi kanu be, “Anu kanu be daziri ẹli.” Agida achara zi pii. Kpakara ele badnú wam daziri ẹli, be hna lele pokwu ele rukna isne.

11 Jizosi gweru brędi wam, tu mmamma, nyee kpakara ele wam dazigwu ẹli. O gweru aznú wam mee kwno kpam. Be ri, riji rụwho be.

12 Nga be rikworu, Jizosi kanu ele sno apna a, “Anu tütukota kpakara rüvnuruvnu ke gwnarnu, o zá ke whu.”

13 Be tütukota kpakara rüvnuruvnu a, ke jiri nri nü nkita lawuru hite n'ike brędi balí isne wam ke ele badnú riri.

14 Ele zi nga Jizosi rnurnu ẹrnu ndu-ehni ka karu, “N'ezi ọka, ka bu nye ọwhnurninya wam ke jaava n'owa.”

15 Nga Jizosi whnuru nü be noopio o chni a eze nü rikne, o hi n'esilawuru be whoga, ya nü nsnunu a zne n'olu rugwu.

*Jizosi znernu izne
n'olu mini
(Mat 14:22,33; Mak 6:45-52)*

16 N'ogbednachi, ele sno apna a zne osimini.

* **6:9** *balí* Ka bu ikpa be ji neeme brędi.

17 Be bna n'ogbo neewhe aznụ osimini kiyari neezne Kapanom. Jizosi yáavage hne be zi tem du n'abali.

18 Okne ruwhere nü abaka-mini neewhe n'olu mini.

19 Ele sno apna a kwọ ogbo nhne nü lele maiļi eto mọbu ẹno nga be whnurnu Jizosi naavakwnusi be, neezne izne n'olu mini. Be tu ogwnu k'agida.

20 Koyu Jizosi kanu be, “Anụ túko ogwnu, o bụ mawa.”

21 Be kweru a, o bnakwnusi be nü rime ogbo, ngangam ogbo be du n'eli wam be neezne.

Ele badnụ noopio Jizosi

22 N'ekile a, agida ele badnụ ele zi n'aznụ osimini kiyari mahiaru nü otu ogbo mati zi pii whogalam vuru ele sno apna Jizosi kpoi. Jizosi snóge be.

23 Ogbo ele ke berere hiri nü Taberasi va nü ngeri hne ele badnụ wam riri brédi, nga Nyenwe aị tukparu mmamma.

24 Nga ele badnụ wam whnurnu nü Jizosi zila pii, ma ele sno apna a, be bna n'ogbo wam zne Kapanom noopio Jizosi.

Jizosi bụ Wiri ke Budnu

25 Nga ele badnụ wam whnurnu a n'aznụ osimini kiyari, be sìkwa a, “Nye-zni-nhne, ndaa nga i varu hna?”

26 Jizosi saru be, “Me kanu anụ ezi ọka, anụ noopio m kwnornu nü anụ rijiri rụwho nü brédi me nyernu anụ, o búo kwnornu nü anụ whnurnu ेrnu ndu-ehni.

27 Anụ dógbu ehni anụ n'érnu kwnornu nü wiri ke nooro oro, tnụnuma, anụ dógbu ehni anụ n'érnu

kwnornu nü wiri ke jaazi tem dü bødnu kwó okwo, ke Nnwó ke Badnú neenye anú. Ya bụ nye Chiokike nyernu rikne o mee kpam.”

²⁸ Be sìkwa Jizòsi, “Kìni bụ nhne a jeeme ma a rnú ेrnú Chiokike?”

²⁹ Jizòsi sarú be, “Ka bụ ेrnú Chiokike, anú kweru nü nye wam o ziyaru.”

³⁰ Be sìkwa a, “Kìni bụ ेrnú ndu-éhni i jeeji gesi ma a whnùrnu, kweru? Kìni bụ nhne i jeeme?

³¹ Ele nda aị okane riri mana n'eli chna chna, lele kpa okwukwo nsø kwuru, ‘O nyernu be brèdi ke hi n'oligwe va, be ri.’ ”

³² Jizòsi kanú be, “Me kanú anú ezi ọka, ọ búo Mozizi nyernu anú brèdi ke hi n'oligwe va, kóvu Nda m neenye anú ezi brèdi ke hi n'oligwe va.

³³ Kwnornu nü brèdi ke Chiokike neenye bụ nye wam ke hi n'oligwe va, bụ nye neenye ele ọwa bødnu.”

³⁴ Be kaa, “Nda-aị-kwu, neenye aị brèdi ka kpakara ige.”

³⁵ Jizòsi kanú be, “Mawa bụ brèdi ke neenye bødnu, nye vakwnusiri m, wiri jóogwnu a rìa rìa, nye kweru nü me, akpíri jóokpo a békwnu rìa rìa.

³⁶ M karú m, anú whnùrnu m, kóvu anú kwége.

³⁷ Nye ọbula ke Nda m nyernu m jaavakwnusim, m jáachihala a rìa rìa.

³⁸ Kwnornu nü m hiri m n'oligwe hiedna mee echiche nye ziyaru m, ọ búo o mee echiche m.

³⁹ Ka bụ echiche nye ziyaru m, me túwhu nye ọbula ke o nyernu m, kóvu me mee ma be hi n'enwu lizø n'obochi ipne-aznù.

40 Kwnornu nü ka bü nhne Nda m noopio, nye qbula ke jowhnu Nnwö wam, kweru nü a, jeenwe bødnu kwó okwo, m jeeme nye wam hi n'enwu lizo n'qbochi ipne-aznú.”

41 Ele Ju bete o takpo megidne a, kwnornu nü o karü, “Mawa bü Brëdi ke hiednarnü n'oligwe.”

42 Be kaa, “Nye ka o búo Jizosi nnwö Josefu? A magwü nda a nü nne a, ndaa kpa o naakaa nü o hi n'oligwe hiedna?”

43 Jizosi kanü be, “Anü tákroma n'esilawuru ehni anü.

44 O zá nye jaavakwnusi m okwolem ma Nda m nye ziyanu m joodoru a vakwnusi m, m jeeme o lizo n'enwu n'qbochi ipne-aznú.

45 Ele qwhnurninya gbarü a n'okwukwo nsö, ‘Chiokike jeezni kpakara ele badnü nhne.’ Nye qbula ke bnoteru Nda nsnjı mühia nhne n'aka a, jaavakwnusi m.

46 O zá nye qbula ke whnüleru Nda anya nü mbom, kwekolam nye wam ke hi hne Chiokike zi whnurnu Nda anya.

47 Me kanü anü ezi ɔka, nye qbula ke kweru nwernu bødnu kwó okwo.

48 Mawa bü wiri ke bødnu.

49 Ele nda anü ɔknani riri mana n'eli chna chna chna, be nwü.

50 Koyu wiri ke hi n'oligwe hiedna, nye qbula ke riri a, jóonwu enwu.

51 Mawa bü wiri ke zi bødnu ke hi n'oligwe hiedna. O bürü nü badnü qbula ri wiri ka, o jaazi bødnu tim tom. Ano-ehni m bü wiri ke me jeenyé ɔwa ma be ziri bødnu.”

52 Ka kpayarụ ọdogbuta whuyaru n'esilawuru ele Ju. Be kaa, "Nwerukna ka, o jeenye aị ano-ehni a ma a ri?"

53 Jizosi kanu be, "Me kanu anu ezi ọka, okwolem ma anu riri ano-ehni ke Nnwọ ke Badnụ, nwọ ọvnarna a, anu jéenwe bùdnu nü rime anu.

54 Nye ọbula ke jeeri ano-ehni m, nwọ masi ọvnarna m nwernu bùdnu kwó okwo.

55 Kwnornu nü ano-ehni m bụwiri n'ezi, ọvnarna m bụwiri masi nhne be nwọ ọnwo n'ezi.

56 Nye ọbula ke jeeri ano-ehni m, nwọ ọvnarna m, wu nü rime m, m wu masi m nü rime a.

57 Lele kpa Nda ke zi bùdnu ziyaru m, m zi m bùdnu kwnornu nü Nda m, kpam masi, nye ọbula ke jeeri ano-ehni m jaazi bùdnu kwnornu me.

58 Ka bụwiri wam ke hi n'oligwe hiedna, ọ búo kpa nda anu ọknani riri mana be nwụ. Nye ọbula ke jeeri wiri ka jaazi bùdnu tim tóm."

59 Ka bụwiri nhne Jizosi kwuru nga o neezni nhne nü ọro Ọgbako ele Ju zi nü Kapanom.

Ikwu-ọnụ ke bùdnu kwó okwo

60 Nga agida ele sno apna a nurnu ọka a, be kaa, "Ikwu-ọnụ ka siri rikne, nyele jeemeli a?"

61 Nga Jizosi mahiaru nü ele sno apna a naatakpo gbasiri ọka ka, ọ kanu be, "Ka o mernu ovu we anu ehni sa?

62 Ndaa kpa ọ jionu nga anu jowohnu Nnwọ ke Badnụ lahna hne ọ zi nü mbom?

63 Enine neenye bùdnu, badnụ etekne nwée rikne mee nhne ọbula. Ọka me nookwunu anu bụ enine bụ masi bùdnu.

64 Koyu agwna anu kwége.” Jizosi magwụ hite n’oziri ele kwé ekwe nü nye jeere a.

65 O kanu be, “Ka kpayarụ me jiri kanu anu nü o zá nye jaavakwnusi m, okwolem ma Nda m nyernu a rikne o mee kpam.”

66 Hite nü nhne Jizosi kwuru, agida ele sno apna a lahna aznụ kwnornu nü ikwu-önü ka, be snóge a berere.

67 Jizosi sikhwa nri nü badnụ lawuru wam ele sno apna a, “Anu jaalahna masi?”

68 Sajmoni Pita, kaa, “Nyenwe aị, a jaalakwnusi nyele? I nwernu ikwu-önü ke neenye bùdnu kwó okwo.

69 Kitna, a kweru, mahia masi nü i bụ nye nsọ ke Chiokike.”

70 Jizosi kanu be, “Me hohiaru anu nri nü ẹbo, koyu otu nyenum nü rime anu bụ ekwensu.”

71 O nookwu gbasiri Judasi, nnwọ Sajmoni Isikarioti, kwnornu nü Judasi jeere a, o bụ n’ezí nü o bụ otu nü rime nri nü badnụ lawuru wam ele sno apna Jizosi.

7

Jizosi nü rụmu nne a

1 Nga ka mekworu, Jizosi neezneghari nü rime Galili. O chóla o zne Judiya kwnornu nü ele Ju noopio o gbu a.

2 Ige Iriri Oro Igwugwu ele Ju zi ndundu.

3 Rụmu nne Jizosi kanu a, “Whoga hna zne Judiya ma ele sno apna i whnūrnu ेrnú i nqornu.

4 Nye pioru ma ele badnụ mahia nye o bụ rnú ेrnú tugwaru otugwa. Mee ma ọwa whnūrnu ेrnú i nqornu.”

⁵ Rụmu nne a kwuru ka kwnornu nụ be kwéle nụ ya.

⁶ Jizosi kanụ be, “Ige m yóoduge, kovu ige anụ zi n'aka anụ.

⁷ Ele ọwa jéenwe rikne sno anụ iro, kovu be snornu m irno, kwnornu nụ m naakaa nụ ेrnu be búo ọma.

⁸ Anụ zne n'Iriri ka, m jáava n'Iriri ka kịtna, kwnornu nụ ige m yóoduge.”

⁹ Nga Jizosi kwukworu kpa, ọ dazigidne nụ Galili.

*Jizosi znernu Iriri
Qro Igwugwu*

¹⁰ Nga rụmu nne a znernu Iriri wam, Jizosi snornu be zne Iriri wam nụ mgwugwa, ọ búo nụ ruwhnu ọhna.

¹¹ Ele Ju zi noopio a n'Iriri wam, be néesikwa, “Ndaa hne ọ zi?”

¹² Agida ele badnụ nöttnurita n'esilawụru be, be naakaa, “Ọ bụ nye ọma.” Ele berere naakaa, “Óza, o nooduwhu ele badnụ.”

¹³ Kovu ọ zá nye nookwuhià nhne gbasiri a nụ ruwhnu ọhna, kwnornu nụ be nöotu ogwnu ele risi ele Ju.

¹⁴ N'esilawụru Iriri wam, Jizosi znernu n'Qro Nsọ Chiokike bete neezni nhne.

¹⁵ Nhne o neezni jiri ele risi ele Ju anya, be kaa, “Nwerukna ka mülele nhne, ndaa kpa o jiri mahia nhne?”

¹⁶ Jizosi sarụ be, “Nhne me neezni búo ikwu-önü ke m, kovu ke nye ziyaru m.

¹⁷ Nye ọbula ke jeeme echiche nye ziyaru m, nye wam jaamahia ma nhne me neezni ma o hi n'aka Chiokike móbu o hi n'aka ke m.

18 Nye nookwu nhne aka ke a, noopio igwugwu ke ẹhni a, koyu nye noopio igwugwu nye ziyaru a bụ nye ezi ọka, aghigho zìla nụ rime a.

19 O bùo Mozizi nyernu anụ iwu? Koyu o zá otu nụ rime anụ ke naabitा iwu. Kini mernu anụ noopio o gbu m?"

20 Ele badnụ wam kaa, "I bù nye rēnwu ojo nwugwu. Nyele noopio o gbu i?"

21 Jizosi kanụ be, "M rnurnu m otu ेrnu ndu-ehni, o ji anụ anya.

22 Mozizi nyernu anụ iwu o kpa r̄umu anụ nka (o bù n'ezi nụ ọkpa nka híge n'aka Mozizi, koyu o hi n'aka ele gbaka), anụ naakpa r̄umu anụ nka n'Obochi Ozukwa Inwe.

23 O bùru nụ anụ naakpa r̄umu anụ nka n'Obochi Ozukwa Inwe, ma anụ bita Iwu Mozizi, ndaa kpa ovu ji neewe anụ ẹhni kwnornu nụ m gw̄oru m nye nr̄iria n'Obochi Ozukwa Inwe?

24 Anụ kpé ikpe hite nụ nhne anya nqowhnu, koyu anụ kpe ikpe bùru ọma."

Jizosi, o bù ya bu Mezaya?

25 Agwna ele zi nụ Jerus̄elем kaa, "Ka o bùo nye be noopio o gbu?

26 Le, o nookwu ọka n'ohna, o zá nye nookwu nhne ọbula megidne a. Ele risi aị be magwụ nụ nye ka bù Karaịsi n'ezi?"

27 Koyu nga Karaịsi jaava, o zá nye jaamahịa hne o jeehi va. Koyu kpakara aị magwụ hne nwerukna ka hi va.

28 Kpa Jizosi neezni nhne n'Oro Ns̄o Chiokike, o gweru okne nkoli siwama lulo, kaa, "Anụ magwụ nye me bù, anụ magwụ masi hne me hi va, koyu m

váge m nü rikne aka m, nye ziyaru m bụ ezi ọka.
Anụ máa nye ọ bụ.

²⁹ Kọvu m maam nye ọ bụ, kwnornu m hi m hne
ọ zị va, ya ziyaru m.”

³⁰ Be pio kpa be jøonwugwu a, kọvu ọ zá nye
tükwasiri a aka, kwnornu nü ige a yóoduge.

³¹ Kọvu agida ele badnụ n'esilawụru igbudu
badnụ wam kweru nü ya, be kaa, “Nga Karaiṣi
jaava, ọ joornu ेrnu ndu-ehni kakwo ke nwerukna
ka nqornu?”

*Be ziznernu ele nse
be nwudne Jizosi*

³² Ele Farisi nurnu nhne igbudu ele badnụ wam
nookwu gbasiri a, be nü ele risi arıohna zizne ele
neese Oro Nsø Chiokike ma be nwugwu Jizosi.

³³ Jizosi kaa, “Me nü anụ jaazi ige matị, omekwo,
m lakwnusi nye ziyaru m.

³⁴ Anụ joopio m, anụ jójowhnu m, kwnornu nü
anụ jéenwe ríkne va nhne me naala.”

³⁵ Ele risi ele Ju sìkwa ehni be kaa, “Ndaa hne o
jeezne hne a jóopiohịali a? O jeezne hne ele Ju wu
n'esilawụru ele Giriki, zni ele Giriki nhne?

³⁶ Kịni bụ risi nhne o nookwu? Ọ karụ, ‘Anụ
joopio m, kọvu anụ jójowhnu m, hne me neezne
anụ jéenwe rikne va.’ ”

Osimini ke neenyē bùdnu

³⁷ N'okne ọbochi ipne-aznụ ke Iriri wam, Jizosi
gwuzoru, gweru okne nkoli siwama, kaa, “Nye
ọbulu ke akpíri nqokpo békwnu, ọ vakwnusi m,
nwɔrnu mini.

38 Lele kpa ọkwukwo nsø kwuru, ‘Nye ọbula ke kweru nụ me, osimini ke mini bùdnu jeehi nụ rime rụwho a naagbahịa.’ ”

39 Jizosi kwuru ka kwnornu nụ Enine Nsø ke ele kweru nụ ya jaanahịa. N'ige wam be ényene Enine Nsø, kwnornu nụ be ényene Jizosi igwugwu.

*Okewa n'esilawuru
ele badnụ*

40 Agwna ele zị n'igbudu ele badnụ wam, nga be nurnu ikwu-ọnụ ka, be kaa, “N'ezi, nwerukna ka bụ nye ọwhnurninya wam.”

41 Ele berere kaa, “Ọ bụ Karaisi.”

Kovu ele berere kaa, “Karaisi o jeehi nụ Galili va?

42 Ọkwukwo nsø kwuru nụ Karaisi jeehi nụ avnurnu Devidi va, nụ be jọomu a nụ Bétilehem, ẹli-ohna hne Devidi wuru.”

43 Ka kpayarụ okewa n'esilawuru igbudu ele badnụ wam kwnornu nụ Jizosi.

44 Agwna be pioru ọ nwudne a, kovu ọ zá nye tükwasiri a aka.

*Ókwe ekwe ke ele risi
ele Ju*

45 Omekwo, ele neese Oro Nsø Chiokike lah-nakwnusi ele risi arıohna nụ ele Farisi, be sịkwa be, “Kini mernu anụ nwúyagele a?”

46 Ele nse wam sarụ be, “Ọ zá nye kwuleru ọka lele kpa nwerukna ka kwuru.”

47 Ele Farisi sịkwa be, “O duhie maṣila anụ sa?

48 O nwernu otu nye Farisi mọbu ele risi ele Ju ke kweru nụ ya sa?

49 Ele ka máa nhne ọbula gbasiri iwu, ọvu ọnụ Chiokike zị nụ risi be.”

50 Otu nye Farisi r̄ewhnna a b̄u Nikodimosi, nye znekwnusiri Jizosi n'abalị, kanu be,

51 “Iwu aị zá naama badnụ ikpe sị o núna nhne hi n'ọnua, nü nhne o mernu.”

52 Be saru a, “I b̄u masi nye Galili sa? Lekasi nü nhne be gbaru n'okwukwo nsø, o zá nye ọwhurninya ke hi nü Galili whuya.”

[

53 Be gbasa, nye ọbula la n'oro a.

8

Nwerinya be nwugwuru n'oyi

1 Jizosi znernu nü Rugwu Olivu.

2 N'ọnua ọsisi, ọlahna n'Oro Nsø Chiokike, kpakara ele badnụ gba a gburugburu, ọ daziri ẹli bete neezni be nhne.

3 Ele zni iwu ele Ju nü ele Farisi kwuyanụ a otu nwerinya be nwugwuru n'oyi, be gwuzote a n'esilawuru be.

4 Be kaa, “Nye-zni-nhne, a nwugwuru nwerinya ka hne ya nü nyerukna dnanyi.

5 N'iwu aị, Mozizi karu be gweru akaworugwu t̄ugbu a. Kini b̄u nhne i kwuru?”

6 Be kwuru ka naakpa a iru ma be bno Jizosi nhne.

Kovu Jizosi whudnahie ẹli gweru mkpaka a gba nhne nü r̄izna.

7 Be zị kɔriri n̄esikwa a, o lizo, kanu be, “Nye ọbula n'esilawuru anu ke mékolele mmehie beru ọsno t̄u a akaworugwu.”

8 O whudnahie ẹli berere naagba nhne nü r̄izna.

⁹ Nga be nurnu a, be hite nü nye okno badnu du nü nye mati, otu otu be whoga kwo. O gwnata Jizosi nü nwerinya wam.

¹⁰ Jizosi lizo, sìkwa a, “Nwerinya, ndaa ele noobno i nhne? O zá nye gwnarnu ke jaama i ikpe?”

¹¹ Nwerinya wam kaa, “O zá, su Nda-ai-kwu.”

Jizosi kanu a, “M máge m masi m ji ikpe, kovu la, i méma mmehie berere.”]

Jizosi, iwhne ke owa

¹² Jizosi kakwnonu be, “Mawa bu iwhne ke owa. Nye obula ke joosno m jeenwe iwhne ke bùdnu, o jéezne izne n'ochichiri.”

¹³ Ele Farisi kaa, “I naagbanu ehni i akebne kitna, nhne i nookwu buo ezi oka.”

¹⁴ Jizosi saru be, “O bùbedi nü m naagbanu ehni m akebne, nhne me nookwu bu ezi oka, kwnornu nü m magwü m hne me hi nü hne me neezne.

¹⁵ Anu neekpe ikpe lele badnu. M zá m neekpe nye obula ikpe.

¹⁶ O bùru nü me kpe ikpe, ikpe m ziri ezi kwnornu nü me nü nsnunu m zá n'ikpe, me nü Nda m nye ziyaru m zi.

¹⁷ Be gbaru a n'iwu anu, nü akebne badnu lawuru gbaru bu ezi oka.

¹⁸ M gbanu m ehni m akebne, Nda m nye ziyaru m gbakwnonu m akebne.”

¹⁹ Be sìkwa a, “Ndaa hne Nda i zi?”

Jizosi saru be, “Anu máa m, anu máa masi Nda m. O bùru nü anu magwü nye me bu, anu znernu amahia Nda m.”

²⁰ Jizosi kwuru kpakara nhne ka nga o neezni nhne n'Oro Nso Chiokike, nü rime hne be naabiita igbe ịwai. O zá nye tükwasiri a aka megidne a kwnornu nü ige a yáavage.

*Anu jéezneli hne me
neezne*

²¹ Jizosi kanụ be berere, “M jaala, anu joopio m, anu joonwu nü rime mmehie anu. Anu jéenwe rikne va hne me jaala.”

²² Ele risi ele Ju kaa, “O kaa nü a jáavalí hne ọ naala. O joogbu ẹhni a sa?”

²³ Jizosi kanụ be, “Anu hi hna, kovu m hi m n'olu va. Anu bụ ele ọwa ka, kovu m búo m nye ọwa ka.

²⁴ O bụ nhne me jiri kanụ anu nü anu joonwu nü rime mmehie anu. O bürü nü anu kwége nü m bụ m nye me bụ, anu joonwu nü rime mmehie anu.”

²⁵ Be sìkwa a, “I bụ nyele?”

Jizosi kanụ be, “M bụ m nye me karụ nü m bụ m n'oziri.

²⁶ M nwernu m agídà nhne me jookwu n'ikpe megidne anu. Kovu nye ziyanu m bụ ezi ọka, m jaakanu ọwa nhne me nṣrnu hite n'ọnua.”

²⁷ Be ghóyage nhne o nookwu gbasiri Nda.

²⁸ Ka kpayarụ, Jizosi kannu be, “Nga anu jeeg-welizø Nnwø ke Badnụ olu, ige wam anu jaamahia nü m bụ m nye me bụ. O zá nhne ke me neeme nü rikne aka ke m, kovu m neezni kpakara nhne Nda m znirni m.

²⁹ Nye wam ziyanu m dagwunu m, ọ ghárula me nü nsnunu m rịa rịa, kwnornu nü m neeme nhne naamasị a kpakara ige.”

³⁰ Agídà ele nṣrnu nhne Jizosi kwuru kweru nü ya.

Badnụ nwernu ehleri a n'ezi

³¹ Jizosi kanu ele Ju ele ke kweru nu ya, “O bürü nu anu dazigidne n'ikwu-önü m, anu jöoburu ele sno apna m n'ezi.

³² Anu jaamahia ezi ọka, ezi ọka wam jeeme anu nwernu ehleri anu.”

³³ Be saru Jizosi, “A bụ rụmu Ebereham, a bükolele oha n'aka badnụ ọbula. Ndaa kpa i naakaa nu a jeenwernu ehleri ai?”

³⁴ Jizosi saru be, “Me kanu anu ezi ọka, nye ọbula ke neeme mmehie bụ oha ke mmehie.

³⁵ Oha zá naadazigidne n'oro tim tóm, koyu nnwọ nwe oro ọkwnukokwu.

³⁶ O bürü nu Nnwọ jeeme anu nwernu ehleri anu, anu jeenwernu ehleri anu n'ezi.

³⁷ M magwu m nu anu bụ rụmu Ebereham, koyu anu noopio o gbu m, kwnornu nu anu kwége ikwu-önü m.

³⁸ M naakanu anu nhne Nda m gesiri m, koyu anu neeme nhne nda anu kannu anu.”

³⁹ Be saru a, “Ebereham bụ nda ai.”

Jizosi kanu be, “O bürü nu Ebereham bụ nda anu n'ezi, anu jöornu ेrnü Ebereham rnurnu.

⁴⁰ Nhne me mernu bụ ọ kanu anu ezi ọka me nurnu n'önü Chiokike, anu noopio o gbu m. Ebereham méne kpam.

⁴¹ Anu neeme nhne anu nda anu mernu.”

Be kaa, “Chiokike bụ Nda a nwernu kpoi. A búo rụmu Ọyi.”

Rụmu ke Ekwensu

⁴² Jizosi kanu be, “O bürü nu Chiokike bụ Nda anu n'ezi, anu znernu ọwhnu m n'anya, kwnornu

nü m hi m hne Chiokike zi whuya, va hna. M váge m nü rikne aka ke m, kovu ya ziyaru m.

⁴³ Nhne mernu anü ghóyage nhne me nookwu, o bu nü anü bnóge nsnj ikwu-önü m.

⁴⁴ Anü bu rümu nda anü Ekwensu, anü joornu ेrnü nda anü noopio. O bu nye noogbu badnu hite n'opanizo. O zila n'ezi ọka, kwnornu nü ezi ọka zá nü rime a. Omen'eli a bu o gha aghalaghala, kwnornu nü o bu nye aghalaghala nü nda kpakara aghalaghala.

⁴⁵ Me nookwunu anü ezi ọka, kovu anü zá neek-weru m.

⁴⁶ Nyele n'esilawuru anü jaama m ikpe mmehie? O bürü nü me kanü anü ezi ọka, kini mernu anü kwége m?

⁴⁷ Nye obula bu ke Chiokike joobno nsnj ikwu-önü Chiokike. Koyu anü jóobno nsnj kwnornu nü anü búo ele ke Chiokike.”

Jizosi nü Ebereham

⁴⁸ Ele Ju sarü Jizosi, “A kwukwaru nkari nga a kwuru nü i bu nye Šameria ke ręnwu ojo nwugwu.”

⁴⁹ Jizosi kanü be, “O zá ręnwu ojo nwugwu m, koyu m neenye Nda m igwugwu, koyu anü zá neenye m igwugwu.

⁵⁰ M zá m noopio igwugwu ke m. O nwernu nye ke noopio igwugwu m, nye wam bu nye ikpe.

⁵¹ Me kanü anü ezi ọka, o bürü nü nye obula biتا ikuw-önü m, o jóowhnu ẹnwu anya ria ria.”

⁵² Ele Ju kanü a, “Kítna hne a mahiaru nü ręnwu ojo nwugwu i. Ebereham nü kpakara ele ọwhnurninya nwurnu ẹnwu. I zi hna naakaa nü nye obula ke jaabita ikuw-önü i jóonwu ọnwu ria ria.”

⁵³ Nda aị Ebereham nwurnu ẹnwu. I kákwole Ebereham nụ ele ọwhnurninya ele nwurnu ẹnwu. I che nụ i bụ dị nyele?”

⁵⁴ Jizosi saru, “Ọ bụru nụ me nyee ehleri m igwugwu, o zá nhne o bụ. Nda m nye anụ naakaa nụ o bụ Chiokike anụ neenye m igwugwu.

⁵⁵ O bụ n'ezi nụ anụ máa nye o bụ rịa rịa. Kọvu m maam nye o bụ. Ọ bụru me kaa nụ m máam nye o bụ, m jooburu nye aghalaghala lele anụ, kọvu m magwụ m nye o bụ, m naabiṭa ikwu-ọnụ a.

⁵⁶ Nda anụ Ebereham nwernu ovu ọso n'ọnụ nụ o jọowhnu ọbochi m, o whnụ masi a, o nwudnarnu.”

⁵⁷ Ele Ju kanụ a, “I yóoduge nri awha isne, i whnurnu Ebereham n'ezi?”

⁵⁸ Jizosi kanụ be, “Me kanụ anụ ezi ọka, m zi m sụ be murnu Ebereham.”

⁵⁹ Be chíri akaworugwu be jọotugbu a, kọvu Jizosi tugwa ehleri a, hi n'Oro Nsọ Chiokike whoga.

9

Jizosi gworu nye be murnu n'isni

¹ Kpa Jizosi neewhe, o whnụ otu nyerukna be murnu n'isni.

² Ele sno apna a sịkwa a, “Nye-zni-nhne, o bụ mmehie nyele mernu be murnu nwerukna ka n'isni? Mmehie ke a sọbu ke ele murnu a?”

³ Jizosi kaa, “Isni kpuru a búa kwnornu nụ mmehie ke a mọbu ke ele murnu a. Kọvu o kpuru isni ma ẹrnu Chiokike whuya iwhne n'ehleri a.

⁴ A jaazi nọornu ẹrnu nye wam ziyaru m kpa ọbochi gwnarnu, kwnornu nụ abalị vawa, nga o zá nye jeenwe rikne rnụ ẹrnu.

5 Kpa me ziko n'owa, mawa bụ iwhne ke ọwa.”

6 Nga o kwukworu ka, ọ gbusa ọnụ-mini n'eli, gweru ọnụ-mini wam me ọrura, o te ọrura wam n'anya nwerukna wam.

7 O kanụ a, “Zne snụ ruwhnu i n'Olulu Mini Sailom” (ke bụ nye be ziznernu). Nwerukna wam zne, snụ ruwhnu a, hiehna nqowhnu ọsno.

8 Ele agbatibi a nụ ele whnụrnu hne ọ nqorio nhne nụ mbom sịkwa, “Ka ọ býo nwerukna wam dazi ẹli nqorio nhne?”

9 Agwna be kaa, “O bụ ya.”

Ele berere kaa, “Óza, o yiri ya.”

Kqvü nwerukna wam karụ, “O bụ mawa.”

10 Be sịkwa a, “Ndaa kpa anya i jiri kpume?”

11 O sarụ, “Otu nwerukna be kwu Jizosi mernu ọrura tesi n'anya m, kanụ m, ‘Zne n'Olulu Mini Sailom snụ ruwhnu,’ kpa me snurru, m whnụrnu m ọsno.”

12 Be sịkwa a, “Nda hne ọ zi?”

O kaa, “M máam.”

Ele Farisi nqotule Ogwugwo Wam

13 Be kwuznenu ele Farisi nwerukna wam kpuru isni nụ mbom.

14 Jizosi mernu ọrura kpume anya nwerukna wam n'Obochi Ozukwa Inwe.

15 Ele Farisi sịkwa nwerukna wam berere kpa o jiri nqowhnu ọsno. O kanụ be, “O yisiri ọrura n'anya, m snụ ruwhnu m, kịtña, m nqowhnu ọsno.”

16 Agwna ele Farisi kaa, “Nwerukna ka híge nụ hne Chiokike zi va, kwnornu nụ ọ zá naabita iwu ke Obochi Ozukwa Inwe.”

Ele berere kaa, “Ndaa kpa nye mmehie jeenwe rikne rnụ ेrnu ndu-ehlerni ele ka?” Ka vuyarụ okewa n'esilawwuru be.

¹⁷ Ele Farisi sikhwa kwno nwerukna wam berere, “Ndaa nhne i kwuru gbasiri nye wam kpumernu anya i?”

Ọ sarụ be, “Ọ bụ nye ọwhnurninya.”

¹⁸ Koyu ele risi ele Ju kwége nụ o kpuru isni nụ mbom koyu noowhnu ọsno kítña tem be sukwu ele murnu nwerukna wam.

¹⁹ Be sikhwa be, “Ka ọ bụ nnwọ anụ, nye anụ karu nụ o kpuru isni nga anụ murnu a? Ndaa kpa o jiri noowhnu ọsno kítña?”

²⁰ Ele murnu a sarụ be, “Ọ bụ n'ezi nụ ọ bụ nnwọ aị, nye a murnu n'isni.

²¹ Koyu a máa kpa o jiri noowhnu ọsno kítña móbu nye kpumernu anya a. Anụ sikhahia a, ọ bụ okno badnụ, o jookwulinu ehlerni a.”

²² Ele murnu a kwuru ka kwnornu nụ be nootu ogwnu ele risi ele Ju. Kwnornu nụ ele risi ele Ju kwekötaru nụ nye ọbula ke jookwuhiịa nụ Jizosi bụ Karaisi, be jaachihala a n'oro ọgbako ele Ju.

²³ Ka kpahiaru ele murnu a karu, “Ọ bụ okno badnụ, anụ sikhwa a.”

²⁴ Be sukwu kwno nwerukna wam be murnu n'isni, be kanụ a, “Nyee Chiokike ọznarni, a magwụ nụ nwerukna ka bụ nye mmehie.”

²⁵ Nwerukna wam kaa, “M máam ma ọ bụ nye mmehie, ma ọ búo nye mmehie. Koyu otu nhne bụ ke me mahiaru, m kpuru m isni nụ mbom, kítña m noowhnu ọsno.”

²⁶ Be sikhwa kwno a, “Kini bụ nhne o mernu i? Ndaa kpa o jiri kpume anya i?”

27 O sarụ be, “M kannụ m anụ nụ mbom, anụ kwéle o bno nsnị. Anụ pioru ọ nụ a berere? Anụ noopio ọ bürü ele sno apna a sa?”

28 Be kpasi a iwhnerne, kaa, “I bụ nye sno apna nye ka, a bụ ele sno apna Mozizi.

29 A magwụ nụ Chiokike kwunnu Mozizi ọka, koyu nye ka, a máa hne o hi va.”

30 Nwerukna wam sarụ be, “Ka bụ nhne tụ n'anya, anụ máa hne o hi va, koyu o kpumernu anya m.

31 A magwụ nụ Chiokike zá noobnonu ele mme-hie nsnị, koyu o noobnonu ele nqosobisinu a nsnị bụ ele neeme nhne naamasị a.

32 Ke ọwa panịzoru, ọ zá nye nuleru nụ o nwernu nye kpumernu anya nye be murnu n'isni.

33 O bürü nụ nwerukna ka híge n'aka Chiokike, o jéenwe rikne mee nhne ọbula.”

34 Be sarụ a, “Be murnu i, znulizo i nụ rime mmehie. I joobu nye jeezni aị nhne sa?” Be chihala a nụ rime ọro Ọgbako ele Ju.

Isni ke Enine

35 Nga Jizosi nurnu nụ be chihalaru a, o pohịa a, kaa, “I kweru nụ Nnwọ ke Badnụ?”

36 Nwerukna wam sikwa Jizosi, “Nda-aị-kwu, kanụ m nye ọ bụ ma m kweru m nụ ya.”

37 Jizosi kanụ a, “I whnunam a, ọ bụ nye nook-wunu i ọka kịtna.”

38 Nwerukna wam kaa, “Nyenwe aị, m kweru m.” Ọ kpọnụ a risi n'eli.

39 Jizosi kaa, “M varụ m n'ọwa o kpe ikpe, ma ele kpuru isni whnunru ọsno, ma ele nqowhnu ọsno kpu isni.”

40 Agwna ele Farisi zi hne o zi nurnu nhne o kwuru, be s̄ikwa a, “A b̄u ele isni masi?”

41 Jizosi kaa, “O b̄uru n̄u anu kpuru isni, ikpe mmehie ba mána anu, koyu anu karu n̄u anu noowhnu osno, anu b̄u ele ikpe mmehie marnu.”

10

Jizosi omamarna nye znu atn̄rnu

1 Jizosi kaa, “Me kanu anu ezi ɔka, nye ɔbula ke gála n̄u ɔnu-mgbo bna n'oro atn̄rnu, koyu garu apna berere bna, b̄u nye buznu n'ezi.

2 Nye ke garu n'ɔnu-mgbo bna n'oro atn̄rnu b̄u nye n̄oznu atn̄rnu.

3 Nye neese ɔnu-mgbo jaagbanu a ɔro, r̄umu atn̄rnu a nurnu nkoli a, o sukwu r̄umu atn̄rnu a n̄u r̄ewhna be, duru be whoga.

4 Nga o chihiaru be, o beru be osno, r̄umu atn̄rnu a snornu a n'azn̄u, kwnornu n̄u be magw̄u nkoli a.

5 Be jōosno nye berere, koyu be jaagbawhu, kwnornu n̄u be máa nkoli nye izne.”

6 Ka b̄u elulu Jizosi tn̄nnu be, koyu be ghóyage nhne o naakanu be.

7 Jizosi kanu be berere, “Me kanu anu ezi ɔka, mawa b̄u ɔnu-mgbo ke atn̄rnu.

8 Kpakara ele beru m osno va b̄u ele buznu n'ezi. Atn̄rnu wam bn̄one be nsni.

9 Mawa b̄u ɔnu-mgbo. Be jōoznohia nye ɔbula ke jeehi n̄u rime m bna, o jaabna n̄u rime, whoga kwno n'ederezi, whnu ori o jaata.

10 Nye buznu varu ma o znu buznu, gbu ogbu, lulu nhne, koyu m varu m ma be nwehia b̄udnu, b̄u b̄udnu ke zuru ozu.

11 “Mawa bụ ọmamarna nye znụ atnụrnu. Ọmamarna nye znụ atnụrnu jiknernu ọ nwụnu atnụrnu a ẹnwu.

12 Nye be gnornu ेrnu, nye atnụrnu wam búa ke a, jéesigbasi atnụrnu gbawhu nga ọ whnụrnu edu naava. Edu tagbu atnụrnu, chikeme kwo be.

13 Ọ gbarụ ẹso kwnornu nụ atnụrnu búa ke a, ọ bụ nye be gnornu ेrnu, bùdnu rụmu atnụrnu wam zìla a mkpa.

14 “Mawa bụ ọmamarna nye znụ atnụrnu. M maam atnụrnu m, atnụrnu m magwụ m masị.

15 Lele kpa Nda m magwụ m, bụ kpa me magwụ Nda m. M nqotusanu rụmu atnụrnu m bùdnu m.

16 M nwernu m rụmu atnụrnu berere ke zá n'ogbori atnụrnu ka, m jeegweya be. Be masị joonu nkoli m, kpakara be jọoburu otu ogbori atnụrnu. Be jeenwe otu nye znụ atnụrnu.

17 Ka bụ nhne kpayarụ Nda m jiri whnụ m n'anya kwnornu nụ m kweru m ọ tübítu bùdnu m, ma m gwelizọ a berere.

18 Ọ zá nye nanahịa m bùdnu m. Mawa bitaru a hite nụ mkpoma m. M nwernu rikne ọ bita a, m nwe masiri m rikne o gwelizọ a. Ka bụ nhne Nda m nyernu m n'iwu.”

19 Ka kpayarụ okewa kwno n'esilawụru ele Ju.

20 Agida be naakaa, “R'enwu ojo nwụgwu a, ọ bụ nye ेra. Kini mernu anụ noobno a nsni?”

21 Koyu ele berere kaa, “Nye r'enwu ojo nwụgwu, o jookwu ọka kpa? Ndaa kpa r'enwu ojo jookpumeli anya nye isni?”

Ókwe ekwe ke ele Ju

²² N'ige Iriri Onyewhete Oro Nsọ Chiokike djury
nu Jeruselem, n'ige okirika,

²³ Jizosi zị n'Oro Nsọ Chiokike neezne izne nụ
mgbemgbe ọro Solomoni.

²⁴ Ele Ju gba a gburugburu, znekwnusi a, kaa,
“I bitaru a n'ochichiri ogologo ige, kawamanụ aị ọ
bụru nụ jiwa bụ Karaiṣi.”

²⁵ Jizosi sarụ be, “M kannụ m anụ, koyu anụ
kwége. Èrnu ndu-ehni me nɔornu nụ r̄ewhna Nda m
naagbanụ m akebne.

²⁶ Koyu anụ kwége kwnornu nụ anụ býo atnýrnu
ke m.

²⁷ Atnýrnu ke m nɔonu nkoli m, m maam be, be
noosno m n'aznụ.

²⁸ M neenye be býdnu kwó okwo, be jóonwu rịa
rịa. Ọ zá nye nwernu rikne döhala be n'aka m.

²⁹ Nda m nye nyernu m be kakwo kpakara nhne
berere. Ọ zá nye nwernu rikne döhala be n'aka
Nda m.

³⁰ Me nụ Nda m bụ otu.”

³¹ Ele risi ele Ju tuturu kwno akaworugwu be
jọotu a.

³² Jizosi kanụ be, “M rnýrnu m agida èrnu ndu-
ehni nụ ruwhnu anụ ke Nda m nyernu m, ndaa
èrnu ke anụ kwnornu nụ a nötü m akaworugwu?”

³³ Ele Ju sarụ a, “A jótü i akaworugwu kwnornu
nụ èrnu ọma, koyu kwnornu nụ i kwuluru Chiokike
hne i bụ badnụ etekne, i neeme ehni i Chiokike.”

³⁴ Jizosi sarụ be, “Okwukwo nsọ anụ kwuru nụ
Chiokike sukwuru be chi.

³⁵ O sukwuru be chi bụ ele nýrnu ikwu-ọnụ
Chiokike, aghalaghala zìla nụ nhne be gbarụ
n'okwukwo nsọ.

36 Nda m hohiaru m, biتا m nsø, ziya m n'owa. Ndaa kpa me nookwulu Chiokike kwnornu nụ m karụ m nụ m bụ m Nnwø Chiokike?

37 Anụ kwé, ọ bụru nụ m zá m nqornu ेrnu Nda m.

38 Kqvу ọ bụru nụ m nqornu ेrnu Nda m, ọ bụbedi nụ anụ kwéle nụ me, anụ kweru n'ेrnu m, ma anụ mahia nụ Nda m zị nụ rime m, me nụ rime Nda m."

39 Be pio ọ nwudne a berere, kqvу o hi n'aka be whqgaru.

40 Jizqsi lahna n'aznụ Osimini Jodani kiyari, hne Joni wqru mini nụ mbom. Ọ daziri pii.

41 Agida ele badnụ vakwnusi a, kaa, "Joni rnúge ेrnu ndu-ehni, kqvу kpakara nhne Joni kwuru gbasiri nwerukna ka bụ ezi ọka."

42 Agida be kweru nụ ya pii.

11

Enwu Lazarosi

1 Otu nwerukna r̄ewhna bụ Lazarosi, nye wu nụ B̄etani, dnarnụ ehni igbugbu. B̄etani bụ hne Meri nụ nwene a rinya Mata wu.

2 Ka bụ Meri wam ke w̄usiri Jizqsi m̄ono otute, gweru rukeri-ize a kwnosnama ọchi a, bụ nye nwene a rukna Lazarosi dnarnụ ehni igbugbu.

3 R̄umu nne a rinya ziznenu Jizqsi izi kaa, "Nyenwe aị, enyi i ke i whn̄rnu n'anya naaria aria."

4 Nga Jizqsi nurnu a, ọ kaa, "Ehni igbugbu ka j̄obu enwu Lazarosi, kqvу o jeenye Chiokike igwugwu ma be hite nụ a nyee Nnwø Chiokike igwugwu."

⁵ Jizosi whnurnu Mata nü nwene a rinya nü Lazarosi n'anya.

⁶ Koyu nga o nurnu nü Lazarosi naaria ehni igbugbu, o daziri nü hne o zi obochi lawuru berere.

⁷ Omekwo, o kanu ele sno apna a, "Anu va ma a lahna Judiya."

⁸ Ele sno apna a kanu a, "Nye-zni-nhne, o gbule okwnu ele Ju pioru o tu akaworugwu, i naalahna koriri pi?"

⁹ Jizosi saru be, "Otu obochi nwernu nri nü awa lawuru, nye obula ke znernu izne n'ihnehnie jokpobi ochi, kwnornu nü o noowhnu iwhne k'owa.

¹⁰ Koyu o buru nü o zne izne n'abalij, o jokpobi ochi, kwnornu nü o zi iwhne zi nü rime a."

¹¹ Nga Jizosi kwukworu kpa, o kaa, "Lazarosi enyi ai neezni anyarna, koyu m jeezne ma m kpatne a."

¹² Ele sno apna a kaa, "Nyenwe ai, o buru nü o neezni anyarna, ehni jopoburu a oma."

¹³ Koyu nhne Jizosi nookwu bu nü Lazarosi nwunam. Koyu be neeche nü o bu ozni anyarna etekne.

¹⁴ Jizosi kawhnomenu be, "Lazarosi nwunam.

¹⁵ Mkpoma nooso m n'onu kwnornu anu, nü m zila m hne o nwurnu, ma anu kweru. Anu lizo ma a znekwnusi a."

¹⁶ Tømosi, nye be kwu Didimosi (ke bu ejima) kanu ele sno apna a ibne a, "Anu lizo ma a snornu a zne, ma a snornu a nwu enwu."

*Jizosi, olizo n'enwu
nu budnu*

¹⁷ Nga Jizosi vaduru, o whnurnu nü be lilem Lazarosi əbochi əno wheru ewhe.

¹⁸ Bętani dūla maılı lawuru hite nü Jeruselem.

¹⁹ Agida ele Ju varu o kasi Mata nü Meri mkpoma kwnornu ənwu nwene be rukna.

²⁰ Nga Mata nurnu nü Jizosi vawa, o whoga znek-wnusi a, kovu Meri daziri n'oro.

²¹ Mata kanu Jizosi, "Nyenwe aị, o buru nü i zi hna, nwene m rukna bō o nwuna.

²² Kovu m maam nü nhne əbula i riɔru n'aka Chiokike, o jeenye i ya."

²³ Jizosi kanu a, "Nwene i rukna jeelizo berere."

²⁴ Mata sa a, "M maam nü o jeelizo berere n'obochi ipne-aznu."

²⁵ Jizosi kanu a, "Mawa bū olizo n'ənwu nü būdnu. Nye əbula ke kweru nü me, o būrubedi nü o nwurnu ənwu, o jaazi būdnu.

²⁶ Berere kwno, nye əbula ke zi būdnu kweru nü me jónowu ənwu tim tóm. Mata, i kweru nhne me nookwu?"

²⁷ Mata saru, "Owe! Nyenwe aị, m kweru m nü ji bū Karaisi, Nnwø Chiokike ke varu n'owa."

Jizosi kwnarnu əkwna

²⁸ Nga Mata kwukworu ka, o lahna, sukwu Meri nwene a rinya ichne kanu a, "Nye-zni-nhne zi hna, o noosukwu i."

²⁹ Nga Meri nurnu ka, o lizo wara wara ma o kwnusi Jizosi.

³⁰ Jizosi yáavaduge nü rime əli-əhna, o zi köriri nü hne Mata kwnusiri a.

³¹ Ele Ju be nü Meri zi n'oro naakasi a mkpoma, snornu a nga be whnurnu nü o lizoru wara wara whoga. Be neeche nü o neezne akwna əkwna n'ilili.

³² Nga Meri d̄uru hne Jiz̄osi zi, whn̄u a, o dna n'eli n'ochi a, kaa, “Nyenwe aij, o b̄uru n̄u i zi hna, nwene m rukna b̄o o nwuna.”

³³ O met̄uru Jiz̄osi n̄u mkp̄oma nga o whn̄urnu Meri n̄u ele Ju sno a naakwna ȑkwna, o gbu a igbugbu n̄u mkp̄oma.

³⁴ O s̄ikwa be, “Ndaa hne anu vubiri a?”

Be kaa, “Nyenwe aij, va whn̄urnu.”

³⁵ Jiz̄osi kwnarnu ȑkwna.

³⁶ Ele Ju kaa, “Le, o whn̄urnu a n'anya k'aḡida.”

³⁷ K̄vu agwna be kaa, “O kpumernu anya nwerukna kpuru isni, o bu n̄u o j̄eenwe rikne mee Lazar̄osi gharu o nwu ȑnwu?”

Jiz̄osi mernu Lazar̄osi hi n'ȑnwu liz̄o

³⁸ O gbu kwno Jiz̄osi igbugbu n̄u mkp̄oma, o zne n'ilili be gwuru n̄u rime rugwu, be jiri rugwu kpusni ȑnu a.

³⁹ Jiz̄osi kaa, “Anu gweme rugwu ka.”

Mata, nwene rinya nwerukna wam nw̄urnu ȑnu kaa, “Nyenwe aij, o jeenwe ȑknarna ȑjo, kwnornu n̄u tna bu ȑbochi ȑno be liri a.”

⁴⁰ Jiz̄osi kaa, “Me kannu i n̄u i j̄owhnu igwugwu Chiokike o b̄uru n̄u i jeekweru kpoi?”

⁴¹ Be vume rugwu wam. Jiz̄osi lelizo anya n'olu, kaa, “Nda m, meka, kwnornu n̄u i bnonem me nsni.

⁴² M magw̄u m n̄u i noobnonu m nsn̄i ige ȑbula, k̄vu kwnornu n̄u ele ka zi hna m nookwu a ma be kweru n̄u ji ziyaru m.”

⁴³ Nga o kwukworu ka, o gweru okne nkoli siwama, “Lazar̄osi, whuya.”

44 Nwerukna wam nwùrnú ọnwú whúya, nye be ji ikpe iznu whú a aka lawúru nü ọchi lawúru, nü ikpe be jiri whú ruwhnu a. Jizòsi kanú be, “Anú tóma a, ma ọ la.”

*Be gbarú iznuznu
o gbu Jizòsi*

(Mat 25:1-5; Mak 14:1,2; Luk 22:1,2)

45 Agída ele Ju ele varú elekwa Meri whnúrnú nhne Jizòsi mernu, kweru nü ya.

46 Kòvu agwna be lahna kanú ele Farisi nhne Jizòsi mernu.

47 Ele Farisi nü ele risi arìohna kwu ikwu kaa, “Ndaa nhne a neeme? Nwerukna ka noornu agída èrnu ndu-éhni.

48 O bùru nü a gharú a, o neezne nü ruwhnu, kpakara ele badnú jeekweru nü ya. Ele Rom jaava lulu éli aị ma Oro Nsọ aị.”

49 Otu nyenum n'ésilawúru be, rèwhna a bụ Kayafasi, nye bụ nye risi arìohna n'awha wam, kaa, “Anú máa nhne rìa rìa.”

50 O bùru ọma nü otu badnú nwúhianu kpakara badnú ènzu, ma kpakara mba gharú o whu etekne.”

51 N'ezi ọka, o kwúge nhne ka hite nü mkpòma a, kòvu lele nye risi arìohna n'awha wam, o whnúrnú ọwhnurninya nü Jizòsi jòonwuhianu ele Ju ènzu.

52 O búo ele Ju kpoi, kòvu kwnornu kpakara rúmu Chiokike be chìsarú nü kpakara ọwa, chìkota be ma be bùru otu.

53 Hite n'obochi wam ele risi ele Ju bete ọ gba iznuznu kpa be joogbu Jizòsi.

54 Kam kpayarú, Jizòsi zíma neezne izne nü ruwhnu ọhna n'ésilawúru ele Ju, kòvu ọ whoga

zne hne zi ndündu n'eli-ikpa, bna n'otu ẹli be kwu Ifirem, ya nü ele sno apna a daziri pii.

⁵⁵ Ige Iriri Ogamhe ele Ju zi ndündu, agida ele Ju zne Jerusélem, zne ọ biتا ehní be nsó sú ọ dù Iriri Ogamhe be.

⁵⁶ Be noopio Jizosi, be gbakó n'Oro Nso Chiokike, be néesikwa ibne be, “Ndaa nhne bụ echiche anú? Ọ bụ nü ọ jáava Iriri ka sa?”

⁵⁷ Ele risi arıohna nü ele Farisi nyernu iwu, kaa, nye ọbula ke magwụ hne Jizosi zi kanu be ma be nwudne a.

12

*Be teru Jizosi mono
nu Bętani
(Mat 26:6-13; Mak 14:3-9)*

¹ O gwnarnu obochi isunu Iriri Ogamhe ele Ju dù. Jizosi znernu Bętani hne Lazarosi nwerukna wam o mernu o hi n'enwu lizo.

² Be sinu Jizosi wiri anyasnu, Mata neezne izi, Lazarosi bụ otu nü ele Jizosi dazi neeri wiri.

³ Meri gweru otu olori mono otute zi gburu ọnú be jiri nadi zi snam mee, ke nwernu eknarna ọma wusi n'ochi Jizosi, gweru rukeri-ize a kwnosnama a. Eknarna mono wam jihia rime ọro.

⁴ Otu nü rime ele sno apna Jizosi be kwu Judasi Isikarioti, nye jeere Jizosi, kaa,

⁵ “Kini mernu be réle mono otute ka riwhu mkpuru iwai eto, kesi ele mboni?”

⁶ O búo nü nhne gbasiri ele mboni neemetu a nü mkpoma mernu o jiri kwu kpa. Koyu kwnornu nü ọ bụ nye buznu, ya neeji rękpa iwai be, neeri nhne zi a nü rime.

⁷ Jizəsi saru a, “Gharu nwerinya ka, o bıtaru ka kwnornu əbochi be jeeli m.

⁸ Ji nü ele mboni zi kpakara ige, me nü ji jáazi kpakara ige.”

*Be gbaru iznuznu
o gbu Lazarosi*

⁹ Agida ele Ju nurnu nü Jizəsi zi nü Bętani, be va, o býo kwnornu Jizəsi kpöi, kovu ma be whnurnu Lazarosi nye Jizəsi mernu o hi n'enwu lizo.

¹⁰ Ele risi arıohna ma mmuma kpa be joogbu Lazarosi masi.

¹¹ Agida ele Ju gharuru ele risi ele Ju kweru nü Jizəsi kwnornu Lazarosi.

*Jizəsi bnaznernu
Jeruselem*

(Mat 21:1-11; Mak 11:1-11; Luk 19:28-40)

¹² N'əbochi ke sno a, agida ele badnụ ele varu Iriri Oğawhe nurnu nü Jizəsi vawa Jeruselem.

¹³ Be gburu igwugwu bükwu whoga zne kwnusi a, neesi lulo,

“Ozana! * Chiokike gozi nye naava nü rəwhna
Nyenwe aji,

Chiokike gozi eze Izireli.”

¹⁴ Jizəsi pohja otu nnwo iyinya daziri n'olu a, lele kpa əkwukwo nsø kwuru,

¹⁵ “I túko ogwnu, ji adna Zayoni,

Le, eze i gba nnwø iyinya naava.”

¹⁶ Ele sno apna a ghóyage n'ige wam, kovu nga Jizəsi hiri n'enwu lizo n'igwugwu, be chenwanya

* **12:13** Ozana n'ikwu-önü ele Hiburu, ke bu “Znophia!”

nhne ọkwukwo nsọ kwuru gbasiri a nụ be mernu a nhne ka.

¹⁷ Agida ele badnụ wam whnurnu nga Jizosi sukuhịaru Lazarosi n'ilili, mee ma o hi n'enwu lizo. Be kahịaru nhne mernu.

¹⁸ Ka kpayarụ agida ele badnụ znekwnusi a, kwnornu nụ be nurnu nụ ọ rnurnu ेrnu ndu-ehni ka.

¹⁹ Ele Farisi kanụ ibne be, “Le, ọ zá nhne a neemeli, kpakara ọwa sno a n'aznụ.”

Agwna ele Giriki noopio Jizosi

²⁰ Agwna ele Giriki znernu Jeruselem n'ige Iriri wam zne kpönu Chiokike risi eli.

²¹ Be vakwnusi Filipu nye Bëtesaida nụ eli Galili, kaa, “Nda-ai-kwu, a noopio ọ whnụ Jizosi.”

²² Filipu zne kanụ Anduru, be lawụru zne kanụ Jizosi.

²³ Jizosi sarụ be, “Ige wam valem ma be nyee Nnwọ ke Badnụ igwugwu.

²⁴ M kanụ anụ ezi ọka, otu mkpuru ikpa zi etekne nga be kpásila a nụ rime n'eli. Nga be kpasiri a, ọ nwụma, fuhịa, mị agida ike ikpa berere.

²⁵ Nye ọbula ke nqowhnu bùdnu a n'anya joottuwahu a, kovu nye sno bùdnu a irno n'ọwa ka jaabita a dù bùdnu kwó okwo.

²⁶ Nye ọbula ke nqornunu m ेrnu joosno m n'aznụ. Hne me zi nnwọ izi m jaazi pịi. Nda m jọsobisinu nnwọ izi m.

Jizosi kwuru ọka gbasiri enwu a

27 “Kịtna mkpoma m naala mini. Ndaa nhne me jaakaa? M jaakaa, ‘Nda m, i kwékọ ige ka va?’ Kọvu ka bụ risi nhne me kwnornu va.

28 Nda m, nyee rəwhna i igwugwu.”

Otu nkoli hiri n'oligwe dna, kaa, “M nyene m a igwugwu, m jeenye kwno a igwugwu berere.”

29 Igbudu ele badnụ wam gwuzo pịi kaa, “Egbe oligwe gbarụ.” Ele berere kaa, “Enine izi kwunnu a ọka.”

30 Kọvu Jizosi karu, “O búa kwnornu me nhne nkoli ka kwuru ọka, o bụ kwnornu anụ.

31 Kịtna bụ ige be jeekpe ọwa ka ikpe, kịtna be jechihala nye risi ke ọwa ka.

32 Kọvu me, o bùru nụ be gwelizọ m olu n'ọwa, m joodoru kpakara badnụ nyee ẹhni m.”

33 O kwuru ka ma o gesi ọkpa ẹnwu o jionwu.

34 Igbudu ele badnụ wam kaa, “A nurnu hite n'iwu aị nụ Karaisi jaazi tim tóm. Ndaa kpa i naakaa nụ be gwelizọ Nnwọ ke Badnụ olu? Nyele bụ Nnwọ ke badnụ?”

35 Jizosi kanụ be, “Anụ jeenwe iwhne ige matị, anụ zne izne nụ rime a, o zi ochichiri vakwnusi anụ. Kwnornu nụ nye neezne izne n'ochichiri máa nhne o neezne.

36 Anụ tükwasí ovu n'iwhne kịtna anụ nwernu a, ma anụ bùru rụmu ke iwhne.” Nga Jizosi kwukworu ọka ka, o whoga, tugwa ẹhni a.

Ókwe ekwe ke ele Ju

37 O bụ n'ezi nụ Jizosi rnurnu kpakara ẹrnu ndu-ẹhni ka n'anya be, be kwéruge nụ ya.

38 Ka bụ ma nhne Azaya nye ọwhnurninya kwuru mezu, “Nyenwe aị, nyele kweru izi a ziri,

ndaa nye Nyenwe aị kpumennu aka dikne a?"

39 Kwnornu nụ be kwéle, Azaya kwuru nụ hne berere,

40 "Chiokike mernu be kpu isni,
mee mkpoma be bṣru nhne nwurru ọnwu,
ma be gharu o ji anya be whnụ ọsno,
gweru mkpoma be ghọhia, ma be tūhnasna,
ma m gwọ m be."

41 Ka bụ nhne Azaya kwuru kwnornu nụ o whnurru igwugwu Jizosi, o kwu ọka gbasiri a.

42 N'ige wam agida ele risi ele Ju kweru nụ Jizosi, kovu kwnornu nụ ele Farisi, be nwée rikne kwuhịa nhne gbasiri a, o zị be chịhala be n'oro ọgbako ele Ju.

43 Be mernu kpa, kwnornu nụ be whnurru ọznarni ke badnụ n'anya kakwo ọznarni ke Chiokike.

Ikwu-ọnụ Jizosi jeekpe ikpe

44 Jizosi gweru okne nkoli siwama, kaa, "Nye ọbula ke kweru nụ me, o kwéruge nụ me kpoi, kovu ma nụ nye ziyaru m.

45 Nye ọbula ke neele m anya jowohnu nye ziyaru m.

46 M varụ m n'owa lele iwhne, ma nye ọbula ke jeekweru nụ me jáadazigidne n'ochichiri.

47 "Nye ọbula ke joonu ikwu-ọnụ m, kovu zá naabita be, m jéekpe a ikpe, kwnornu nụ m váge m o kpe ọwa ikpe, kovu ọ znöhia ọwa.

48 Nye ke zúsaru m, zá naabiita ikwu-ọnụ m nwernu nye jeekpe a ikpe. Ikwu-ọnụ me kwuru jeekpe a ikpe n'obochi ipne-aznụ.

49 Kwnornu nü m kwúge m ọka ke m, kovu Nda m nye ziyanu m nyernu m iwu nhne me jaakaa, nü nhne me jookwu.

50 M magwụ m nhne o nyernu n'iwu bụ bødnu kwó okwo. Nhne me kwuru bụ nhne Nda m karu me kwu.”

13

Jizosi snurnu ọchi ele sno apna a

1 N'obochi ke boro obochi Iriri Ogawhe, Jizosi magwụ nü ige o jaaghasa ọwa ka lakwnusi Nda a dulam. O whnurnu ele ka ele zị n'ọwa n'anya. O whnurnu be n'anya dù ipne-aznụ.

2 Kpa be neeri wiri anyasnu, Ekwensu yisiri a nü mkpoma Judasi Isikarioti nnwọ Saimoni o re Jizosi.

3 Jizosi magwụ nü Nda a yisilem kpakara nhne n'aka a, nü o hi hne Chiokike zị va, o naalah-nakwnusi Chiokike.

4 O lizo n'olu wiri, wopu iwo olu a, gweru akata kne n'ikwnu a.

5 O wusi mini nü rime agbugba, bete noosnu ọchi ele sno apna a, gweru akata o kne n'ikwnu nookwnosna be.

6 O va hne Saimoni Pita zị, Pita sịkwa a, “Nyenwe aị, i jyosnu ọchi m?”

7 Jizosi saru a, “I máa nhne me neeme kịtna, kovu omekwo, i jaamahịa.”

8 Pita kaa, “I jyosnu ọchi m rịa rịa.”

Jizosi saru a, “O bürü nü m snúge m ọchi i, me nü ji nwéko nhne ọbula.”

9 Pita saru a, “O bürü kpam, i snú ọchi m kpogi, kovu snu ma aka m lawuru ma risi m.”

¹⁰ Jizosi saru a, “Nye hnijarnu ehnzi rjchna kpam kpam, o kwésile o snu ehnzi a berere, okwolem o snu ochi a. Kpakara anu zizi rjchna, kovu o buo kpakara anu.”

¹¹ Kwnornu nu Jizosi magwụ nye jeere a, bu nhne o kwno kaa nu kpakara be zizi rjchna, okwolem otu badnu kpoi nye zila rjchna.

¹² Nga o snukparu be ochi, o woru iwo olu a berere daziri eli nu hne o zizi nu mbom. O sikwa be, “Anu ghohiaru nhne me mennu anu?

¹³ Anu noosukwu m Nye-zni-nhne, nu Nyenwe anu, o bu ezi oka, kwnornu nu o nhne me bu.

¹⁴ Kitna, me bu Nyenwe anu nu Nye-zni-nhne snurnu ochi anu, anu kwesiri o snurita ochi ibne anu.

¹⁵ M gesiri m anu nhne atu ma anu mee kpa me mernu.

¹⁶ Me kanu anu ezi oka, o za ohi ke kakwo nyenwe a, o za nnwq izi ke kakwo nye dusiri a izi.

¹⁷ Mkpoma jooso anu n'onu, o buru nu anu mahiaru nhne ka, neeme be.

¹⁸ “M za m nookwu kwnornu kpakara anu. M magwụ m ele me hohiaru, kovu nhne okwukwo nso kwuru jeomezuriri, ‘Nye riri w提醒 m lizoru megidne m.’

¹⁹ M naakanu anu ezi oka kitna si o mee, ma nga o jeeme anu kweru nu m bu m ya.

²⁰ Me kanu anu ezi oka, nye obula ke jaanabnanya nye me ziznernu, nabnanyarnu m, nye nabnanyarnu m, nabnanyarnu nye ziyaru m.”

*Jizosi kwuru oka
gbasiri o rure a*

(Mat 26:20-25; Mak 14:17-21; Luk 22:21-23)

21 Nga Jizosi kwuru ka, o gbu a igbugbu nü mkpoma k'agida, o kaa, “Me kanu anu ezi ọka, otu badnụ n'esilawụru anu jeere m.”

22 Ele sno apna a lehnata ẹhni be anya. Be máa nye o naakaa.

23 Otu nye sno apna a Jizosi whnurru n'anya ke dazi Jizosi ndundi n'ehni.

24 Saịmoni Pita kanu a, “Sıkwahia a nye o bụ.”

25 Nye sno apna wam dnabnernu nü mkpoma Jizosi sıkwa a, “Nyenwe aị, o bụ nyele?”

26 Jizosi saru a, “O bụ nye me jeerusi brędi ka nü rime wiri nyee.” O gweru otu ibekala brędi, rusi a nü wiri nyee Judasi, nnwọ Saịmoni Isikariotı.

27 Ngangam Judasi gweruru brędi wam, Ek-wensu bna nü rime a. Jizosi kanu a, “O zị nhne i neeme, mee a wara wara.”

28 O zá nye zị pị neeri wiri mahịaru nhne Jizosi nookwu.

29 Hne o bụ Judasi vugwu rękpa ịwai, agwna ele sno apna Jizosi neeche nü Jizosi kannu a o zne zụya nhne be jeeri n'Iriri wam, mọbu o kesi ele mboni ịwai.

30 Judasi narnu brędi wam, o whoga ngangam. Ka neeme n'abali.

Iwu ikne

31 Nga Judasi whogaru, Jizosi kaa, “Kịtna, be jeenye Nnwọ ke Badnụ igwugwu, be jeenye masi Chiokike igwugwu nü rime a.

32 O bürü nü be nyee Chiokike igwugwu nü rime a, Chiokike jeenye Nnwọ a igwugwu n'iwhuru a. O jeeme a kịtna.

³³ “R̄umu m, me n̄u an̄u jáazi gbu ɔkwnu. An̄u joopio m, k̄ovu me kan̄u an̄u nhne me kannu ele risi ele Ju, an̄u jéenwe rikne va hne me neezne.

³⁴ “M neenye an̄u iwu ikne, an̄u whn̄u ibne an̄u n'anya. Lele kpa me whn̄rnu an̄u n'anya, an̄u ji ɔgwo ɔ whn̄u ibne an̄u n'anya.

³⁵ Kpakara ele badn̄u jaamahia n̄u an̄u b̄u ele sno apna m, ɔ b̄uru n̄u an̄u whn̄u ibne an̄u n'anya.”

*Jiz̄osi kwuru n̄u Pita
j̄oogonahoru a*

(Mat 26:31-35; Mak 14:27-31; Luk 22:31-34)

³⁶ Sajmoni Pita s̄ikwa a, “Nyenwe aị, i zne hnele?”

Jiz̄osi saru a, “An̄u jéenwe rikne sno m hne me neezne k̄itna, k̄ovu omekwo, an̄u joosno m.”

³⁷ Pita s̄ikwa a, “K̄ini mernu me jéenwe rikne sno i k̄itna? M j̄oonwunu i ḥenwu.”

³⁸ Jiz̄osi saru a, “I j̄oonwu kwnornu m n'ezi? Me kan̄u i ezi ɔka, su okne ɔchichi kwna erekwna, i j̄oogonahoru m mgba ẹto.”

14

Jiz̄osi b̄u apna

¹ “Mkpoma lákwadia an̄u mini. An̄u kweru n̄u Chiokike, an̄u kweru masi n̄u me.

² Agida ɔro jiri n'oro Nda m, m naala zne mekwatanu an̄u ɔnodi. ɔ b̄uru ɔ b̄uo kpam, m znernu m ɔkanu an̄u.

³ Me zne mekwatanu an̄u ɔnodi, m jeehiehna, kwuru an̄u yisi n'ehni m, ma me n̄u an̄u daziri n'otu hnanum.

⁴ An̄u magw̄u apna hne me neezne.”

5 Tømosi kanụ a, “Nyenwe aị, a māa hne i neezne, ndaa kpa a jaamahịa apna a?”

6 Jizosi sarụ a, “Mawa bụ apna nụ ezi ọka nụ bødnu. Ọ zá nye jeezne hne Nda m zị okwokołam ma o hiri nụ me.

7 O bụru nụ i magwụ m n'ezi, i jaamahịa Nda m masị. Hite kịtna anụ magwụ Nda m, anụ whnụna a anya.”

8 Filipu kaa, “Nyenwe aị, gesi aị Nda i, o joozunu aị.”

9 Jizosi sarụ a, “Filipu, me nụ anụ zị ogologo ige ka, i māa nye me bụ? Nye ọbula ke whnүrnu m, whnүnam Nda m. Ndaa kpa i naakaa, ‘Gesi aị Nda.’

10 O bụru nụ i kwége sa nụ m zị m nụ rime Nda m, Nda m zị nụ rime m? Ikwu-ọnụ me nookwu bùo ke m. Nda m ke zị nụ rime m nōornu ेrnu a.

11 Anụ kweru nga me karụ nụ m zị m nụ rime Nda m, Nda m zị nụ rime m. O bụru nụ o zá nhne berere, anụ kweru kwnornu nụ ेrnu ele ka.

12 Me kanụ anụ ezi ọka, nye ọbula ke kweru nụ me jōornu ेrnu me nōornu. Owe! O jōornu ेrnu ke kakwo ka kwnornu nụ m naalakwnusi Nda m.

13 Kpakara nhne anụ jōorio nụ r̄ewhna m, m jeeme a, ma be nyee Nda igwugwu hite nụ Nnwọ a.

14 Nhne ọbula anụ rịoru nụ r̄ewhna m, m jeeme a.

Jizosi kweru mkwna

Enine Nso

15 “O bụru nụ anụ whnүrnu m n'anya, anụ jaabiتا nhne me nyernu n'iwu.

16 M jaariasno Nda m, o jeenyə anụ Nye Ọkasi Mkpomma berere, nye jaadazịnu anụ tim tóm.

17 O bụ Enine ezi ọka, ke ọwa jáanahịali, kwnornu nụ ele zị n'ọwa nwée riknē whnụ a mọbu mahia a. Kọvu anụ magwụ a, kwnornu nụ o wu nụ rime anụ, ọ jaadazigidnenu anụ.

18 M jáagharụ anụ etekne, m jeehiehnakwnusi anụ.

19 Ige matị ọwa jójowhnu m, kọvu anụ jójowhnu m. M zị m bùdnu, kam kpayarụ anụ jaazi masị bùdnu.

20 N'obochi wam, anụ jaamahịa nụ m zị m nụ rime Nda m, anụ nụ rime m, lele kpa me zị nụ rime anụ.

21 “Nye ọbula ke jaabita nhne me nyernu n'iwu, bụ nye whnùrnu m n'anya. Nye whnùrnu m n'anya bụ nye Nda m jójowhnu n'anya, m jójowhnu masị a n'anya, gweru ẹhni m gesi a.”

22 Judasi (o búo Isikarioti) kaa, “Nyenwe aị, ndaa kpa i jeegesi aị ẹhni ị, ọ búo ele ọwa?”

23 Jizosi sarụ a, “Nye ọbula ke whnùrnu m n'anya, jaabita ikwu-ọnụ m. Nda m jójowhnu a n'anya, me nụ Nda m jaavakwnusi a, aị nụ ya joowu.

24 Nye ọbula ke whnúge m n'anya, jáabita ikwu-ọnụ m. Ikwu-ọnụ ke anụ nurnu búo ke m. Be hi n'aka Nda m, nye ziyaru m.

25 “M naakanụ anụ ka kpa me nụ anụ zị.

26 Kọvu Nye Okasi Mkporoma wam, Enine Nso, nye Nda m jeeziyanu anụ nụ ręwhna m, jeezni anụ kpakara nhne. O jeeme anụ chenwanya kpakara nhne me znirni anụ.

27 M néesigbasinu anụ udno, m neenyé anụ udno m, ọ búo lele kpa ọwa neenyé bụ kpa me neenyé anụ. Mkporoma lákwadia anụ mini. Anụ túko ogwnu.

28 “Anụ nurnu kpa me karụ nụ m jaala, kọvu m jeehiehnakwnusi anụ. Ọ búru nụ anụ whnùrnu

m n'anya, anụ znernu ọnwudna, kwnornu nụ m naalakwnusi Nda m, kwnornu nụ Nda m kakwo m.

29 M kannụ m anụ kịtna hne o yéemege, ma nga o jeeme anụ kweru.

30 M jáakanụ anụ agida ọka berere, kwnornu nụ nye nẹechi ọwa ka vawa. Kọvu o nwée rikne hne me zị.

31 Kọvu ọwa jaamahịa nụ m whnụrnu Nda m n'anya, bụ nhne kpayarụ me neeme kpakara nhne lele kpa o nyernu m iwu. Anụ va ma a whoga hna.

15

Isisi vajni nü nkala a

1 “Mawa bụ isisi vajni n'ezi, Nda m bụ nye ेernu ékwu.

2 Nkala ọbula ke míge mkpuru nụ rime m, o gbukwama a. Ọ kwnasna nkala ọbula ke naami mkpuru ma ọ mịnya agida mkpuru, ma ọ zịri rịchna.

3 Anụ zị rịchna hite n'ikwu-ọnụ me kwuru.

4 Anụ dazigidne nụ rime m, me nụ rime anụ. Ọ zá nkala ke nwernu rikne mị mkpuru n'ehni a, okwolem ma ọ zị n'isisi, otu aka wam, anụ nwée rikne mị mkpuru, okwolem ma anụ dazigidnernu nụ rime m.

5 “Mawa bụ isisi vajni, anụwa bụ nkala a. Nye ọbula ke jaadazigidne nụ rime m, me nụ rime a, jaami agida mkpuru, kwnornu nụ anụ nwée rikne meli nhne ọbula hne me zìla.

6 Nye ọbula ke dázigidnene nụ rime m, be jootuwhu a lele nkala ke míge mkpuru. Ọ kpọnwu, ele badnụ chikota kpörne a nụ békwnu.

7 O bụru nụ anụ dazigidne nụ rime m, ikwu-önü m dazigidne nụ rime anụ, anụ joorio nhne ọbula zi anụ mkpa, o jọoburu ke anụ.

8 Ka bụ nhne neenye Nda m igwugwu, anụ minya agida mkpuru, ke jeegesi nụ anụ bụ ele sno apna m.

9 “Lele kpa Nda m whnurnu m n'anya, bụ kpa me whnurnu anụ n'anya. Anụ dazigidne n'owhnun'anya m.

10 O bụru anụ bịa nhne me nyernu n'iwu, anụ jaadazigidne n'owhnun'anya m, lele kpa me bitaru nhne Nda m nyernu n'iwu, m dazigidne n'owhnun'anya a.

11 M naakanụ anụ nhne ka ma ovu oso n'önü m ziri nụ rime anụ, ma ovu oso n'önü anụ zu ozu.

12 Ka bụ nhne me nyernu n'iwu, anụ whnurita ibne anụ n'anya lele kpa me whnurnu anụ n'anya.

13 O zá ọwhnun'anya ke kakwo ka, nụ badnụ tuwhuru bùdnu a kwnornu ele enyi a.

14 Anụ bụ ele enyi m, o bụru nụ anụ mee nhne me nyernu n'iwu.

15 M zá m noosukwu anụ ele izi berere, kwnornu nụ nnwọ izi máa nhne nyenwe a neeme. Koyu m sukwuru m anụ ele enyi m, kwnornu nụ kpakara nhne me nṣrnu n'önü Nda m bụ nhne me kannụ anụ.

16 O búa anụ hohiaru m, koyu me hohiaru anụ, bịa anụ ichne, ma anụ zne minya mkpuru, ma mkpuru anụ dazigidne. Ka jeeme, nhne ọbula anụ joorio Nda m nụ rēwhna m, o jeenye anụ.

17 Ka bụ nhne me nyernu n'iwu, anụ whnurita ibne anụ n'anya.

*Qwa snornu ele sno apna
Jizəsi irno*

18 “Q bürü n'qwa sno anü irno, anü chenwanya nü o beru qsnö sno m irno.

19 Q bürü nü anü bü ke qwa, qwa jowhnu anü n'anya lele nhne ke a. Kqvü m hohiaru m anü hite n'qwa, anü búo ke qwa, ka kpayarü qwa snornu anü irno.

20 Anü chenwanya nhne me kannü anü, Q zá qhi ke kakwo nyenwe a. Q bürü nü be kpaknarnü m ehni, be jaakpakna anü ehni masi. Q bürü nü be bitaru ikwu-önü m, be jaabita ke anü.

21 Be jeeme anü kpakara nhne ka kwnornu nü anü kweru nü rəwhna m, be máa nye ziyan m.

22 Q bürü nü m vágé m kwunu be qka, ikpe mmehie báamana be. Kitna be jeeji kini gōhoru ehni be hite nü mmehie?

23 Nye qbulu ke snornu m irno, snornu Nda m irno.

24 Q bürü nü m rnúge m ərnu n'esilawüru be ke q zá nye berere rnurnu, ikpe mmehie báamana be. Kitna be whnurnu nhne me rnurnu, be sno me nü Nda m irno.

25 Ka bü ma nhne be gbarü n'qkwukwo nsö mezu, ‘Be snornu m irno hne q zá nhne me mernu be.’

26 “Nga Nye Okasi Mkpoma wam varü, Enine ke ezi qka, Nye me jeeziya hite nü hne Nda m zi, nye hi hne Nda m zi va, q jaagbanü m akebne.

27 Anü joobu masi ele akebne m kwnornu nü me nü anü zi hite n'qpanizo.

16

1 “M kannü m anü kpakara nhne ka q zi anü

dnahnala hite n'okwnata ovu anu.

² Be jaachihala anu n'oro ogbako ele Ju, ige vawa nga nye obula ke gburu anu jeeche nü o noornu ernu Chiokike.

³ Be jeeme anu nhne nü kpa kwnornu nü be máa Nda m móbú me.

⁴ M kannu m anu nhne ele ka, ma nga be jeeme anu chenwanya nü m kannu m anu nhne gbasiri be. M kágé m be nü mbom kwnornu nü me nü anu zì.

Ernu ke Enine Nso

⁵ “Kítña, m naalahna hne nye ziyaru m zì. Kóvu o zá nye n'esilawuru anu néesikwa m, ‘Ndaa hne i neezne?’

⁶ Kítña me kannu anu, o noogbu anu igbugbu nü mkpoma.

⁷ Kovu me kanu anu ezi ọka, o kanu anu mma me lahna, kwnornu nü o bürü m láge m, Nye Okasi Mkporoma wam jáavakwnusi anu. Kovu me la, m jeeziyanu anu ya.

⁸ Nga o varu, o jaabanu ọwa mbna kwnornu mmehie, nü ome mma nü ikpe.

⁹ O jaabanu ọwa mbna gbasiri mmehie, kwnornu nü be kwége nü me,

¹⁰ gbasiri ome mma, kwnornu nü m naalakwnusi Nda m, anu jóowhnuma m anya berere,

¹¹ gbasiri ikpe, kwnornu nü ikpe hieru nye risi neechi Ọwa ka.

¹² “Agida nhne zì ke me jaakanu anu, kóvu anu jéenwe rikne vuru be kítña.

¹³ Kóvu nga Enine ezi ọka wam varu, o jooduru anu bna nü kpakara ezi ọka. O jóokwu nhne aka ke

a, koyu kpakara nhne o joonu bu nhne o jaakanu anu. O jaakanu anu nhne ke jaava nu ruwhnu.

¹⁴ O jeenye m igwugwu kwnornu o jeegweru nhne me kwuru kanu anu.

¹⁵ Kpakara nhne Nda m nwernu bu ke m. O bu nhne me jiri kaa nu Enine Nso jeegweru nhne ke m kanu anu.

Nhne igbugbu nu snarnima

¹⁶ “Ige mati anu jowhnu m berere, omekwo, ige mati anu jowhnu m.”

¹⁷ Agwna ele sno apna a nesikwarita ibne be, “Kini bu risi nhne ka? O karu, ‘Ige mati anu jowhnu m, ige mati anu jowhnu m,’ berere, ‘M naalakwnusi Nda m.’ ”

¹⁸ Be nesikwarita ibne be, “Kini bu ige mati? A maa nhne o nookwu oka a.”

¹⁹ Jizosi whnurnu nu be noopio o sika a, o kanu be, “M karu m ige mati anu jowhnu m, omekwo, ige mati anu jowhnu m. O bu nhne anu nesikwarita n'esilawuru anu?

²⁰ Me kanu anu ezi oka, anu jaakwna ekwna, gba mkpe, koyu owa joonwudna. Anu jeenwe nhne igbugbu, koyu nhne igbugbu anu jogho ovu oso n'onu.

²¹ Nga nyerinya noomu nnwo, o zi nu nhne igbugbu kwnornu nu rime neeme a, koyu nga o mudnarnu nnwo, o chezu kpakara nhne igbugbu a, kwnornu snarnima nu o murnu nnwo ikne n'owa.

²² Kpam masi, anu nwernu nhne igbugbu kitna, koyu m jowhnu anu anya berere, anu jeenwe snarnima, o za nye jeenwe rikne nahoru anu ovu oso n'onu anu.

23 N'oboichi wam, anụ jório m nhne ọbula, me kanụ anụ ezi ọka, Nda m jeenye anụ nhne ọbula anụ jório a nụ ręwhna m.

24 Tem dụ kịtna, o zá nhne ọbula anụ rịoru nụ ręwhna m. Anụ rịo, anụ jenwehịa, ma ovu ọso n'ọn u anụ zu ozu.

Mmeri megidne ọwa

25 “M ji m elulu kwunu anụ ọka, ige vawa nga me jóokwunu anụ ọka n'elulu berere. M jookwunu anụ ọka zị snam nhne gbasiri Nda m.

26 N'oboichi wam, anụ jório nhne nụ ręwhna m, m jáakaa nụ m jório Nda m nụ risi anụ.

27 Kwnornu nụ Nda m n'iwhuru a whnùrnu anụ n'anya, kwnornu nụ anụ whnùrnu m n'anya, anụ kweru nụ m hi m hne Chiokike zị va.

28 M hi m hne Nda m zị va bna n'ọwa, kịtna, m n̄eesigbasi ọwa naalahna hne Nda m zị.”

29 Ele sno apna a kaa, “Kịtna, i nookwunu aị ọka dnornu aị anya, i zá nookwu n'elulu.

30 Kịtna a magwụ nụ i magwụ kpakara nhne. O zá mkpa nụ nye ọbula sìkwa i ajiji. Ka mernu a kweru nụ i hi hne Chiokike zị va.”

31 Jizosi sarụ be, “Anụ kweru kịtna?

32 Ige vawa, ige wam valém, nga be jẹechisa kpakara anụ, nye ọbula n'oro ke a. Anụ j̄esigbasi me nụ nsnụnu m, koyu m zá m nụ nsnụnu m, kwnornu nụ me nụ Nda m zị.

33 “M kannụ m anụ nhne ka ma anụ nwe udno nụ rime m. N'ọwa anụ jeenwe mmekpēhni, koyu mkpōma si anụ rikne, m megbulem ọwa.”

17

Jizosi kpennu ele sno apna a okpukpe

¹ Nga Jizosi kwukworu ọka ele ka, o lelizo anya n'oligwe, kaa,

“Nda m, ige wam valəm, nyee Nnwọ i igwugwu, ma Nnwọ i nyee i igwugwu.

² I nyernu a iknernema nụ hne kpakara ele badnụ zi, ma o kesi kpakara ele ke i nyernu a bødnu kwó okwo.

³ Ka bụ bødnu kwó okwo, ma ele badnụ mahia i, i bụ otu Chiokike ke bụ ezi, nụ Jizosi Karaisi nye i ziyaru.

⁴ M nyernu m i igwugwu n'owa hite n'orrukpa ərnu i nyernu m me rnụ.

⁵ Kịtna Nda m, nyee m igwugwu nụ ruwhnu i, bụ igwugwu ke me nwernu sụ i kpuru Ọwa.

⁶ “M mernu ele badnụ mahia rəwhna i bụ ele i nyernu m hite n'owa. Be bụ ele ke i. Jị nyernu m be. Be bitaru ikwu-ọnụ i.

⁷ Kịtna, be magwụ nụ kpakara nhne i nyernu m hi n'aka i va.

⁸ M nyernu m be ikwu-ọnụ ke i nyernu m. Be gweru a, be magwụ n'ezi nụ m hi m hne i zi whuya, be kweru nụ jị ziyaru m.

⁹ M neekpenu be okpukpe. M zá m neekpenu Ọwa okpukpe, kovu ele wam i nyernu m, kwnornu nụ be bụ ke i.

¹⁰ Kpakara nhne me nwernu bụ ke i, kpakara nhne i nwernu bụ ke m masi, be bụ igwugwu m.

¹¹ M zíma m n'owa berere, kovu be zi n'owa, m naavakwnusi i, Nda zi nsọ, bìkwata be hite nụ rikne

ke rewhna i, r̄ehnha ke i nyernu m, ma be ziri n'otu lele kpa a zi n'otu.

¹² Nga me n̄u be zi, m b̄itaru m be n̄u r̄ehnha i, bu r̄ehnha ke i nyernu m, m segidnernu m be. Ọ zá nye whuru owhu n̄u rime be, okwokolam nye wam whuzne owhuzne, ma nhne be gbaru n'okwukwo ns̄o mezu.

¹³ “M naavakwnusi i k̄tna, m nookwu nhne ka n'owa ma be nwernu ovu ọso n'önü m, ma ovu ọso n'önü be zu ozu.

¹⁴ M nyernu m be ikwu-önü i, owa snornu be irno kwnornu n̄u be búo ke ọwa, lele kpa me búo ke ọwa.

¹⁵ M zá m naakaa ji gweme be n'owa. K̄vu m noorio i ma i b̄ita be zoma n'aka nye ojo wam.

¹⁶ Be búo ke ọwa, lele kpa me búo ke ọwa.

¹⁷ B̄ita be ns̄o hite n'ezi ọka i, ikwu-önü i bu ezi ọka.

¹⁸ Lele kpa i ziyaru m n'owa, bu kpa me neezizne be n'owa.

¹⁹ M kwnornu be b̄ita ẹhni m ns̄o, ma be b̄ita be ns̄o n'ezi ọka.

²⁰ “M zá m neekpenu be okpukpe kpoí, k̄vu m neekpekötanu ele jeekweru n̄u me hite n'ikwu-önü be.

²¹ M neekpe ma kpakara be ziri n'otu, Nda m, lele kpa i zi n̄u rime m, me n̄u rime i. Kpakara be ziri n'otu ma ọwa kweru n̄u ji ziyaru m.

²² M nyernu m be igwugwu ke i nyernu m, ma be ziri n'otu lele kpa a zi n'otu.

²³ Me ziri n̄u rime be, ji n̄u rime m, ma be zu ozu n'ozzi n'otu, ma ọwa mahia n̄u ji ziyaru m, n̄u ji whn̄urnu be n'anya lele kpa i whn̄urnu m n'anya.

24 “Nda m, jị nyernu m be, m noopio be daziri hne me zị, ma be whnụ igwugwu m, ka bụ igwugwu ke i nyernu m kwnornu nụ i whnụrnu m n'anya sị i kpuru ọwa.

25 “Nda ke mee mma, ọwa máa nye i bụ, koyu m magwụ m nye i bụ, ele ka magwụ masi nụ jị ziyanu m.

26 M mernu m be mahịa i, m jaazi neeme kpam ma ọwhnun'anya ke i whnụrnu m ziri nụ rime be, ma me nụ be bürü otu.”

18

Be nwudnernu Jizosi

(Mat 26:47-56; Mak 14:43-50; Luk 22:47-53)

1 Nga Jizosi kpekworu okpukpe ka, ya nụ ele sno apna a whoga whe mini Kidironi. Be bna n'otu erekwu ke zị pii.

2 Judasi nye reru a magwụ pii, kwnornu nụ Jizosi nụ ele sno apna a neezne pii ige ọbula.

3 Judasi chíri ele ọgwnu nụ ele neese Oro Nso Chiokike, ele ele risi arıohna nụ ele Farisi ziznernu, be vu tọnji nụ ọwa, nụ mgwna ọgwnu.

4 Kpa Jizosi magwụ kpakara nhne jaadnakwasị a, o znekwnusi be, sịkwa be, “Anụ noopio nyele?”

5 Be kaa, “Jizosi, nye Nazareti.”

Jizosi kaa, “Ọ bụ mawa.” Judasi nye reru a nụ be gwuzo.

6 Nga Jizosi karụ, “Ọ bụ mawa,” Be lahna aznụ, dna n'eli.

7 Jizosi sịkwa kwno be, “Ndaa nye anụ noopio?”

Be kaa, “Jizosi, nye Nazareti.”

⁸ Jizosi kanu be, “M kannu m anu nu me bu ya. O buru nu anu noopio m, anu gharu ele ka ma be la.”

⁹ Ka bu ma nhne o kwuru mezu, “Kpakara ele i nyernu m, o za otu ke me tuwhuru.”

¹⁰ Saimonyi Pita ji ama-ogwnu, o mnjohia a, gbu nye izi nye risi arjohna, bihala a nsnj akarikwnunga. Rejhna nye izi wam bu Makosi.

¹¹ Jizosi kanu Pita, “Mnjohnasi ama-ogwnu i n'obo a. O bu nu m jionwo okiko awhnuywhnu Nda m nyernu m me nwó?”

Jizosi gwuzo nu ruwhnu Anasi

(Mat 26:57,58; Mak 14:53,54; Luk 22:54)

¹² Ele ogwnu nu nye risi be, nu ele neese Oro Nso Chiokike nwudne Jizosi, be kne a eriri.

¹³ Be beru osno gwezne a nu ruwhnu Anasi, nda nnwerne Kayafasi, nye risi arjohna n'awha wam.

¹⁴ O bu Kayafasi nye kannu ele Ju nu o buru oma otu badnu nwuhianu kpakara be enwu.

Pita gonahoru Jizosi

(Mat 26:69,70; Mak 14:66-68; Luk 22:55-57)

¹⁵ Saimonyi Pita nu nye sno apna Jizosi ke berere snornu Jizosi. Nye risi arjohna magwu nye sno apna a ka, o snornu Jizosi bna n'ederezi nye risi arjohna.

¹⁶ Koyu Pita daziri nu ngeri mgbo n'ederezi, nye sno apna wam ke nye risi arjohna magwu zne kanu nnwo rinya zi n'onu-mgbo, o kwubnanya Pita.

¹⁷ Nnwó rinya zi n'onu-mgbo kanu Pita, “I bu otu nu rime ele sno apna nwerukna ka.”

Pita saru, “M bu la m.”

18 Iyi nootu, ele izi nü ele neese nhne kpawhusi békwnu, be gwuzoru gburugburu békwnu wam naakwna iyi. Pita gwuzo masi n'esilawuru be, naakwna iyi.

*Nye risi arıohna
néesikwa Jizosi ajiji*

(Mat 26:59-66; Mak 14:55-64; Luk 22:66-71)

19 Nye risi arıohna sıkwa Jizosi ajiji gbasiri ele sno apna a, nü nhne o neezni.

20 Jizosi saru a, “M kwuru m ọka nü ogbo ọhna, kpakara nhne me znirni bụ n'oro ọgbako ele Ju nü n'Oro Nso Chiokike hne kpakara ele Ju naagbako. Ọ zá nhne me kwuru nü mgwugwa.

21 I sıkwa m ajiji, sıkwa ele nurnu nhne me kwuru. Be magwụ masi nhne me kwuru.”

22 Nga Jizosi kwuru ka, otu nye neese nhne gbọ a aka, kaa, “Kini mernu i nookwunu nye risi arıohna ọka kpa?”

23 Jizosi saru a, “Ọ bụru nü m kwuru m nhne bùo ọma, gba akebne nhne ojo me kwuru. Koyu ọ bụru nü m kwuru m ezi ọka, kini mernu i gboru m aka?”

24 Anası zizne a ke Kayafası nye risi arıohna, hne o kne köriri eriri.

*Pita gonahoru Jizosi
berere*

(Mat 26:71-75; Mak 14:69-72; Luk 22:58-62)

25 Kpa Saímoni Pita gwuzo naakwna iyi, be sıkwa a, “I bùo otu nü rime ele sno apna a sa?”

Pita gó, kaa, “M búla m.”

26 Otu nü rime ele izi nye risi arıohna nwene nwerukna wam Pita bihalaru nsnị a, gwelizó ọnụ, sıkwa a, “Ọ bùo jí nye me whnurunu n'ekwu wam?”

27 Berere kwno, Pita gо, ngangam, okne ેchichi kwna ેkwna.

*Jizosi gwuzo nü
ruwhnu Paileti*

(Mat 27:1,2,11-14; Mak 15:1-5; Luk 23:1-5)

28 Be hi n'oro Kayafasi kwuru Jizosi zne n'obna nye ેchichi, n'ou ેosisi. Ele Ju bnána nü rime n'obna kwnornu nü be noopio ૦ biتا ehní be rjchna ma be nwe rikne ri Iriri Ogawhe.

29 Paileti whokwnusi be n'ederezi sikkwa be, "Ndaa nhne anü noobno nwerukna ka?"

30 Be sarü a, "O bürü nü ૦ búo nye aghorome, a znéne okwuyanü i ya."

31 Paileti kaa, "Anü kwuru a kpe a ikpe lele kpa iwu anü kwuru."

Be kaa, "A nwée rikne gbu nye ેbula."

32 Ka bü ma nhne Jizosi kwuru mezu ke gbasiri ેkpa ેnwu ૦ joonwu.

33 Paileti lahna n'obna, sikkwa Jizosi, "I bü eze ele Ju?"

34 Jizosi sikkwa a, "Kí ૦ bü echiche i, sòbu ele berere kannü nhne gbasiri m?"

35 Paileti sa a, "M bü nye Ju? ૦ bü ele ke i nü ele risi arjohna be kwuyannü m ji. I mernu kini?"

36 Jizosi kaa, "Eli-eze m búo ke ેwa ka. ૦ bürü nü ૦ bü ke ેwa ka, ele izi m znernu ેlu ેgwnu ma ele risi ele Ju gharü o gweru m nyee n'aka be. ૦ zá, eli-eze m búo ke ેwa ka."

37 Paileti sikkwa a, "Ke bü nü i bü eze?"

Jizosi sarü a, "Jiwa karü nü m bü m eze. Ka bü risi nhne be kwnornu mü m nü nhne me kwnornu va nü rime ેwa, ma m gbanü m ezi ેka akebne. Nye ેbula ke zi n'ezi ેka noobnonu m nsni."

38 Paileti s̄ikwa a, “Kini b̄u ezi ọka?”

Be marnu Jiz̄osi ikpe ẹnwu

(Mat 27:15-31; Mak 15:6-20; Luk 23:13-25)

Paileti whokwnusi kwno ele risi ele Ju n'ederezi kanu be, “Ọ zá nhne ojo me whn̄rnu n̄u rime nwerukna ka r̄ia r̄ia.

39 Ọ b̄u omen'eli anu me sigbasinu anu otu nye ikelu n'ige Iriri Ogawhe. Anu pioru me sigbasinu anu eze ele Ju?”

40 Kpakara be siwama, “Óza, ọ búo nwerukna ka, sigbasinu aị Barabasi.” (Barabasi b̄u nye buznu.)

19

1 Paileti kwuru Jiz̄osi pn̄ia nhne.

2 Ele ögwu kpa okpu igwnu kpusi a n̄u risi, be wosi a iwo odno odno.

3 Be znekwnusi a, kaa, “A bekwulem jị, Eze ele Ju.” Be gbo aka n̄u ruwhnu.

4 Paileti lahna kwno hne ele risi ele Ju zị, ọ kanu be, “Anu le, m jookwuyanu anu ya, ma anu marnu n̄u ọ zá nhne ojo me whn̄rnu n̄u rime a.”

5 Jiz̄osi woru iwo odno odno n̄u okpu igwnu whuya ederezi, Paileti kanu be, “Anu le nwerukna wam.”

6 Nga ele risi arıohna n̄u ele neese Oro Ns̄o Chiokike whn̄rnu a, be siwama, “Kpogidne a n'ogba, kpogidne n'ogba.”

Paileti kanu be, “Anu kwuru a kpogidne a n'ogba n'aka anu. Koyu me kanu anu, ọ zá nhne ojo me whn̄rnu n̄u rime a.”

⁷ Ele risi ele Ju kwusi rikne, “A nwernu iwu, iwu aị kwuru nụ o kwesiri enwu kwnornu nụ ọ kanụ nụ ọ bụ Nnwọ Chiokike.”

⁸ Nga Paileti nṣṇnu ka, ọ tu ogwnu k'agida.

⁹ O lahna kwno n'obna, ọ sịkwa Jizosi, “Ndaa hne i hi va?” Kovu Jizosi sála a ọka ọbula.

¹⁰ Paileti kanụ a, “I zá naasa m ọka, ọ bụ nụ i máa nụ m nwernu m rikne ọ sigbasi i mọbu ọ kpogidne i n'ogba?”

¹¹ Jizosi kaa, “I béenwene rikne megidne m ọ bụru nụ be nyéne i rikne hite n'oligwe, nye kwuru m nyee n'aka i nwe mmehie ke kakwo.”

¹² Nga Paileti nṣṇnu ka, ọ gbalị ọ sigbasi Jizosi. Kovu ele risi ele Ju si ọlo, “O bụru nụ i sigbasi a, i búo enyi Siza. Nye ọbula ke neeme ẹhní a eze neemegidne Siza.”

¹³ Nga Paileti nṣṇnu nhne ka, o kwuhala Jizosi ederezi, daziri eli nụ ngadna nụ hne be jiri akaworugwu mee, be kwu n'ọnụ Hiburu Gabata.

¹⁴ Nhne ka mernu n'iwhnehnie, n'otnu-ige ke nri nụ ẹbo* n'obochi ojiknernu Ogawhe.

Paileti kanụ be “Anụ le eze anụ.”

¹⁵ Be siwama, “Gwepu a, gwepu a, kpogidne a n'ogba.”

Paileti sịkwa be, “Me kpogidne eze anụ n'ogba?”

Ele risi arịohna sarụ a, “A nwéé eze berere kwolem Siza.”

¹⁶ Paileti nyewhete be Jizosi, ma be kpogidne a n'ogba.

Be kpogidnernu Jizosi n'ogba

(Mat 27:32-44; Mak 15:21-32; Luk 23:26-43)

* ^{19:14} *Otnu-ige ke nri nụ ẹbo:* ọkwukwo ke mbom kwuru ige awa ke isunu

Ele ọgwnu kwuru Jizosi.

¹⁷ Jizosi vuru ọgba a, ọ whoga zne hne be kwu Hne Okpokoro Risi (ke bụ n'ọnụ Hiburu Gologota.)

¹⁸ Be kpogidne a n'ogba pii, ya nụ ele rukna lawuru berere, otu badnụ n'akarikwnunga a, nye ke berere n'akarita a. Jizosi ziri n'esilawuru be.

¹⁹ Paileti gbasiri nhne be joogwnu tükwasí a n'olu ọgba a, "Jizosi, nye Nazareti, Eze ele Ju."

²⁰ Agida ele Ju gwnurnu a, kwnornu nụ hne be kpogidnernu Jizosi n'ogba zìla ikere nụ rime eli-ohna. Be gbaru nhne ọgwnugwnu wam n'ọnụ Hiburu, Latini nụ Giriki.

²¹ Ele risi ariohna ele Ju kanu Paileti, "I gbasi 'Eze ele Ju,' kovu gbasí, 'Nwerukna ka karu nụ ọ bụ eze ele Ju.' "

²² Paileti saru be, "Nhne me gbaru dazim kpa me gbaru a."

²³ Nga ele ọgwnu kpogidnernu Jizosi n'ogba, be gweru kpakara iwo a keri n'esilawuru be, keme be nga eno, be gweru a otu otu. Be chiri iwo olu a ke be dówala ọdowa be dürü hi n'olu dù n'eli.

²⁴ Be kaa, "A jódowa iwo ka, kovu a joovu ọganuchi ma a mahia nye jeenwe a." Ka bụ ma nhne be gbaru n'okwukwo nsọ mezu, ke kwuru,

"Be keriri kpakara iwo m n'esilawuru be,
be ji iwo m vu ọganuchi."

Ka bụ nhne ele ọgwnu wam mernu.

²⁵ Ele gwuzo ndụndu nụ hne ọgba wam zị bụ nne Jizosi nụ nwene rinya nne a, nụ Meri nnwerne Kilopasi, nụ Meri Magidalini.

26 Nga Jizosi whnurnu nne a nụ nye sno apna a wam ọ whnurnu n'anya, ọ kanụ nne a, “Nwerinya, le nnwọ i.”

27 Ọ kanụ nye sno apna a wam, “Le nne i.” Hite n'ige wam, nye sno apna a wam kwuru a la n'oro a.

Enwu Jizosi

(Mat 27:45-56; Mak 15:33-41; Luk 23:44-49)

28 Kpa Jizosi magwụ nụ be mezulem kpakara nhne, o mee ma nhne be gbaru n'okwukwo nsø mezu, ọ kaa, “Akpíri nöökpo m békwnu.”

29 Otu idudu manya gbaru ọka zị pili, be rusi sponji nụ rime a, knesi a nụ nkala hisopu, gwelizo nụ mgbele-önü Jizosi.

30 Kpa Jizosi nwörnu manya wam, ọ kaa, “Ok-wolem.” Ọ piaya risi a nwuma.

Be dürü Jizosi ara nụ ikpurutu

31 Nhne ka mernu n'obochi ojiknernu, ke bụ ọbochi ke sno Obochi Ozukwa Inwe. Ọ másila ele risi ele Ju ọ sigbasi iznu be n'olu ọgba n'Obochi Ozukwa Inwe kwnornu nụ ọ bụ okne ọbochi. Be riasno Paileti ma be gbaji kpakara be ọchi ma be vudna iznu be n'olu ọgba.

32 Ele ọgwnu wam zne gbaji ọchi nye ke mbom nụ nye ke berere ele be kpogidneru be nụ Jizosi n'ogba.

33 Koyu nga be vaduru hne Jizosi zị, be whnurnu nụ ọ nwunam, be gbájile ọchi a.

34 Otu nye ọgwnu gweru ara dù Jizosi nụ ikpurutu, ngangam, ọvnarna nụ mini gbahịa.

35 Nye wam ke whn̄rnu nhne ka gbaru akebne, akebne a bu ezi ɔka. Ọ magwụ nụ o nookwu ezi ɔka ma anụ kweru.

36 Kpakara nhne ka mernu ma nhne be gbaru n'okwukwo nsø mezu, "Be jáagbaji otu ɔkpukpu a."

37 Nhne be gbaru n'okwukwo nsø ke berere kwuru, "Ele badnụ jeele anya nye wam be d̄uru ara."

Be liri Jizosi

(Mat 27:57-61; Mak 15:42-47; Luk 23:50-56)

38 Omekwo, Josefu nye Arimatiya, zne rịo Paileti ma o vuru iznu Jizosi. Josefu bu nye sno apna Jizosi nụ mgwugwa, kwnornu nụ ọ nootu ogwnu ele Ju. Paileti kweru, ọ va vuru iznu a whoga.

39 Nikodimosi nye znekwnusiri Jizosi n'abali, snornu Josefu, o gwuya mọno nwernu eknarna Ọma be gwaru nhne be kwu maa nụ alosi, zi agida.

40 Ele rukna lawuru ka vuru iznu Jizosi, whụ a n'ikpe marnu mma nụ mọno wam, kwnornu nụ kpam bu kpa ele Ju neeme iznu sị be li.

41 Otu ekwu zi ndündu hne be kpogburu Jizosi, otu ilili be gwuru ikne zi nụ rime ẹkwu wam, ọ zá nye be liru nụ rime a nụ mbom.

42 Kwnornu nụ ọ bu ọbochi ojiknernu Ọbochi Ozukwa Inwe ele Ju, ilili wam zi masi ndündu, be lite Jizosi nụ rime a.

20

Ilili ke ọ zá nye zi a

(Mat 28:1-8; Mak 16:1-8; Luk 24:1-12)

1 N'ọnụ ọsisi n'obochi mbom n'ikwezu, ọ gba kɔriri ọchichiri, Meri Magidalini znernu ilili wam whnụ

nü be vumenem rugwu be jiri kpusni ọnu ilili wam.

² O gba ẹso znekwnusi Saịmoni Pita nü nye sno apna a wam Jizosi whnụrnu n'anya. O kanụ be, “Be vumenem iznu Nyenwe aị n'ilili, a máa hne be bítaru a.”

³ Pita nü nye sno apna a wam whoga, neezne n'ilili.

⁴ Be lawuru bete agba ẹso, koyu nye sno apna a kiyari gbawhe Pita, beru Pita ọsno gbadu ilili.

⁵ O whudnahie eli whnụ ikpe marnụ mma wam, koyu o bnáge nü rime.

⁶ Saịmoni Pita va, bna nü rime ilili. O whnụrnu ikpe marnụ mma wam dazị etekne,

⁷ n'ikpe be jiri whụ risi Jizosi, ya nü ikpe be piakotaru be n'otu ichne.

⁸ Nye sno apna a wam ke beru ọsno va, bna nü rime ilili, o whnụrnu, kweru masị.

⁹ (Be ghóyage nhne be gbarụ n'okwukwo nsọ, nü o jeehi n'enwu lizọ.)

¹⁰ Ele sno apna a wam lahna.

*Jizosi gesiri Meri Magidalini
ehni a*

(Mat 28:9,10; Mak 16:9-11)

¹¹ Koyu Meri gwuzoru n'ederezi ilili wam naak-wna erekwna. Kpa o naakwa erekwna, o whudnahie le anya nü rime ilili wam.

¹² O whnụ ele enine izi lawuru wogwu iwo abochna dazị eli nü hne iznu Jizosi zi nü mbom, otu nü risi a, otu n'ochi a.

¹³ Be sịkwa a, “Nwerinya, kịni neeme i erekwna?”

O kaa, “Be vumenem Nyenwe m, m máam hne be vubiri a.”

14 Nga o kwuru ka, o tūhnasna whnụ Jizosi, kovu o māa nụ o bụ Jizosi.

15 Jizosi sīkwa a, “Nwerinya, kini neeme i ékwna? Ndaa nye i noopio?”

Meri che nụ o bụ nye ेrnū ékwnu, o kaa, “Nda-aị-kwu, o bürü nụ o bụ jī vumernu a, kanụ hne i vubiri a, m jeezne vuru a.”

16 Jizosi sukwu a, “Meri.”

Meri tūhnasna, kete a ruwhnu, siwama n'ōnu Hiburu, “Raboni!” (ke bụ Nye-zni-nhne).

17 Jizosi kanụ a, “I kpákwidia m aka, kwnornu nụ m yáalakwnuznege m Nda m. Kovu znekwnusi rūmu nda m, kanụ be m naalakwnusi Nda m nụ Nda anụ, nụ Chiokike m nụ Chiokike anụ.”

18 Meri Magídalini zne kanụ ele sno apna a nụ o whnūrnu Nyenwe aị, nụ ka bụ nhne o kanụ a.

*Jizosi gesiri ele sno apna a
ehni a*

(Mat 28:16-20; Mak 16:14-18; Luk 24:36-49)

19 N'ogbednachi, n'obochi mbom wam n'ikwezu, ele sno apna a gbakoru n'otu ọro tūgidne ehni be ọnuhna, kwnornu be nōotu ogwnu ele risi ele Ju. Jizosi varụ gwuzoru n'esilawụru be, kaa, “Udno zịnu anụ.”

20 Nga o kwuru ka, o gesi be aka a lawụru nụ ikpurutu a. Mkpoma so ele sno apna a n'ōnu kpa be whnūrnu Nyenwe aị.

21 Jizosi kaa kwno berere, “Udno zịnu anụ, lele kpa Nda m ziyan m, o bụ kpa me neezni anụ.”

22 Nga o kwuru ka, o nwesi be inwe, kaa, “Anụ nahorū Enine Nso.

23 O bürü nü anü gbarunu ele badnü mmehie be, be jaagbarunu be mmehie be, koyu o bürü nü anü jáagbarunu be, be jáagbarunu be.”

Jizosi nü Tømosi

24 Otu nü nri nü badnü lawuru wam sno apna Jizosi, nye rëwhna a bu Tømosi, nye be kwu Didimosi nü be zïla nga Jizosi varu.

25 Ele sno apna a ele berere kanu a, “A whnurnu Nyenwe aij.”

Tømosi kanu be, “Okwolem ma m whnurnu m anunu ituru nü aka a lawuru, m yisi mfpaka aka m nü rime be, yisi aka m n'ikpurutu a, m jéekweru.”

26 N'ikwezu a, ele sno apna Jizosi gbakogwu kwno n'otu qro, tûgidne ehnì ɔnuhna, Tømosi nü be zi masi. Be tûsnirni qro, koyu Jizosi varu gwuzoru n'esilawuru be, kaa, “Udno zïnu anu.”

27 O kanu Tømosi, “Yisi aka i hna, le aka m lawuru, dnosnima aka i yisi n'ikpurutu m, i nwéma mfpoma lawuru, kweru.”

28 Tømosi saru a, “Nyenwe m nü Chiokike m.”

29 Jizosi kanu a, “I kweruru kwnornu nü i whnurnu m, ngozi zïnu ele whnûge, koyu be kweru.”

Risi ɔkwukwo ka

30 Jizosi rnurnu agida èrnu ndu-ehni berere nü ruwhnu ele sno apna a ke be gbâge n'òkwukwo ka.

31 Koyu be gbaru ka ma anu kweru nü Jizosi bu Karaïsi wam, Nnwø Chiokike, ma hite n'òkwnata mfpoma nü rëwhna a, anu jeenwe bûdnu.

21

*Jizosi gesiri ele sno apna a
esau ehni a*

¹ Omekwo, Jizosi gesiri ele sno apna a ehni a n'apna berere, nü ngeri Osimini Taberasi.

² Saïmoni Pita, Tomosi nye be kwu Didimosi, nü Nataneli nye Kana ke Galili, nü rümu rukna Zebidi, nü ele sno apna a lawuru berere zi.

³ Saïmoni Pita kaa, “M neezne o gbu aznụ.”

Be kanu a, “A joosno i zne.” Kpakara be zne bna n'otu ọgbo, kovu ọ zá nhne be gburu kpakara abalị wam.

⁴ N'onu ọsisi, Jizosi gwuzoru n'ọn mini, kovu ele sno apna a máa nü ọ bụ Jizosi.

⁵ O sikwa be, “Rümu takiri, ọ zi aznụ anu gbuhiaru?”

Be sa a, “Óza.”

⁶ Jizosi kanu be, “Anụ wusi igbo anụ n'akarikwnunga ọgbo, anụ jowhnu aznụ.” Be wusi igbo be, be nwée rikne doli igbo wam kwnornu nü be gburu agida aznụ.

⁷ Nye sno apna wam Jizosi whnurnu n'anya kanu Pita, “O bụ Nyenwe aị.” Kpa Saïmoni Pita nurnu nü ọ bụ Nyenwe aị, o jeru ikpe a (kwnornu nü ọ gba eṭo) dnabna mini.

⁸ Ele sno apna a ele berere kworu ọgbo, dörü igbo wam aznụ jiri va mkpomkpo ẹli. Be zá ikere nü mkpomkpo ẹli, nhne hne lele riwhu rula eṭo.

⁹ Nga be dürü mkpomkpo ẹli, be whnurnu es-ekere békwnu nü aznụ nü zi n'olu a nü brèdi zi pii.

¹⁰ Jizosi kanu be, “Anụ gwuya agwna aznụ anu gburu.”

11 Saịmoni Pita zne doru ịgbo wam nụ mkpomkpo eli, aznụ okpotokpo jiri a, otu riwhu nụ nri isne nụ ẹto, Igbo wam dókala, o bụ n'ezi nụ aznụ zị agida.

12 Jizosi kanụ be, “Anụ va ri wiri.” O zá nye sno apna a ke nwernu rikne o nyipohịa sikhwa a, “I bụ nyele?” Be magwụ nụ o bụ Nyenwe aị.

13 Jizosi gweru brèdi wam nyee be, ya nụ aznụ.

14 Ka mernu mgba ẹto Jizosi gesiri ele sno apna a ehni a kpa o hi n'enwu lizo.

Jizosi nụ Pita

15 Nga be rikworu wiri, Jizosi kanụ Saịmoni Pita, “Saịmoni nnwọ Joni, i whnùrnu m n'anya kakwo nhne ele ka?”

O sa a, “Owe, Nyenwe aị, i magwụ nụ m whnùrnu m jị n'anya.”

Jizosi kanụ a, “Nyee atnùrnu m wiri.”

16 Jizosi kanụ a ke mgba lawụru, “Saịmoni, nnwọ Joni, i whnùrnu m n'anya n'ezi ọka?”

O sa a, “Owe, Nyenwe aị, i magwụ nụ m whnùrnu m jị n'anya.”

Jizosi kanụ a, “Nqoznu atnùrnu m.”

17 Jizosi kanụ a ke mgba ẹto, “Saịmoni, nnwọ Joni, i whnùrnu m n'anya?”

O gbu Pita igbugbu nụ Jizosi kannụ ke mgba ẹto, “I whnùrnu m n'anya?” O kaa, Nyenwe aị, i magwụ kpakara nhne, i magwụ nụ m whnùrnu m jị n'anya.

Jizosi kanụ a, “Nyee atnùrnu m wiri.

18 Me kanụ i ezi ọka, nga i bụ wikoro, i nqosnu ajnị n'ikwu i zne hne obula o masiri i. Koyu, nga i jeeme okno badnụ, i joodosni aka i, nye berere snusi i ajnị, kwuru i zne hne másila i.”

¹⁹ Jizosi kwuru ka ma o gesi kpa Pita jionwu enwu, ma o nyee Chiokike igwugwu. Jizosi kanu a, “Sno m.”

*Jizosi nü nye sno apna a
ke berere*

²⁰ Pita tuhnasna whnu nye sno apna a wam, nye Jizosi whnurnu n'anya, nye dnabnernu Jizosi nga be neeri wiri anyasnu wam, sìkwa a, “Nyenwe aị, nyele jeere i?”

²¹ Nga Pita whnurnu a, o kanu Jizosi, “Nyenwe aị, ndaa nhne i kwuru gbasiri nwerukna ka?”

²² Jizosi saru a, “O bụru nü m pioru m o ziri bùdnu tem m va, o gbásila i, sno m.”

²³ Be tnusa a n'esilawuru ele sno apna Jizosi nü nye sno apna a ka jionwu enwu. Kòvu Jizosi kála nü o jionwu enwu, kòvu o karu, “O bụru nü m pioru m o ziri bùdnu tem m va, o gbásila i.”

²⁴ Ya bụ nye sno apna a ke kwuru kpakara nhne ka, nye gba masiri a n'okwukwo, a magwụ nü nhne o gbaru bụ ezi ọka.

Okwukwo

²⁵ Agida nhne ele berere ke Jizosi mernu, o bụru nü be gba kpakara be n'okwukwo, m che m nü kpakara owa n'iwhuru a jéenwe rikne vuli kpakara okwukwo be jaagba.

Tesitamenti Ikne n'Onu Ikwere New Testament in Ikwere

copyright © 2010 Wycliffe

Language: Ikwere

Translation by: Wycliffe

Ikwerre – (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

© 2010, The Nigeria Bible Translation Trust.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

c17ee3a1-1c7a-5c05-8e0f-5043e8228d89